



Broj: 03-02-7819-10/25
Bihać, 3.7.2025. godine

SKUPŠTINA UNSKO-SANSKOG KANTONA

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

2.7.2025.

PRIJEDLOG	SKUPŠTINA	2.7.2025.	25
Organizacija	Broj predloga	Redni broj	Broj priloga

PREDMET: Prijedlog Zakona o izmjenama i dopunama Zakona o studentskom standardu, dostavlja se;-

Na osnovu člana 120. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Prijedlog Zakona o izmjenama i dopunama Zakona o studentskom standardu, uz sljedeće

O b r a z l o ž e n j e


Vlada Unsko-sanskog kantona je na 52. sjednici, održanoj dana 3.7.2025. godine, razmatrala i Zaključkom broj: 03-02-51-674/2025 utvrdila Prijedlog Zakona o izmjenama i dopunama Zakona o studentskom standardu, obrađivača Ministarstva obrazovanja, nauke, kulture i sporta i isti vam se dostavlja u dalju proceduru.

S poštovanjem,

Prilog: Prijedlog Zakona o izmjenama i dopunama Zakona o studentskom standardu

Dostavljeno:
1. Naslovu,
2. a/a.





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), na prijedlog Ministarstva obrazovanja, nauke, kulture i sporta, Vlada Unsko-sanskog kantona na 52. sjednici, održanoj dana 3.7.2025. godine, d o n o s i

ZAKLJUČAK

I

Utvrđuje se Prijedlog Zakona o izmjenama i dopunama Zakona o studentskom standardu, obrađivača Ministarstva obrazovanja, nauke, kulture i sporta te se isti upućuje Skupštini Unsko-sanskog kantona u dalju proceduru.

II

Ovaj Zaključak stupa na snagu danom donošenja.

Broj: 03-02-51-674/2025
Bihać, 3.7.2025. godine

PREMIJER KANTONA
Nijaz Husić, MA



- PRIJEDLOG-

Na osnovu člana 2 b) poglavlja IV. i člana 11. b) Odjeljka A. Poglavlja V. Ustava Unsko-sanskog kantona - prečišćeni tekst („Službeni glasnik Unsko-sanskog kantona“, broj: 1/04 i 11/04), a u vezi sa članom 122. Zakona o visokom obrazovanju na području Unsko-sanskog kantona („Službeni glasnik Unsko-sanskog kantona, broj: 26/24“), Skupština Unsko-sanskog kantona, na ____ . sjednici održanoj ____ . godine, donijela je:

ZAKON O IZMJENAMA I DOPUNAMA ZAKONA O STUDENTSKOM STANDARDU

Član 1.

U Zakonu o studentskom standardu („Službeni glasnik Unsko-sanskog kantona, broj: 8/18) u članu 6. mijenja se stav (6) i glasi:

„(6) Ministar donosi pravilnik kojim propisuje postupak i kriterije za izbor smještajnih kapaciteta iz stava (5) ovog člana.“

Član 2.

(1) U članu 7. u stavu (1) na početku rečenice, dodaju se riječi: „U ustanovi studentskog standarda“ i interpunkcijski znak zarez.

(2) U članu 7. stav (4) mijenja se i glasi:

„(4) U mjestima u kojima ne postoji ustanova studentskog standarda, poslove ishrane studenata Ministarstvo može povjeriti registrovanim subjektima ugostiteljske djelatnosti.“

(3) U članu 7. iza stava (4) dodaje se novi stav (5) i glasi:

„(5) Ministar donosi pravilnik kojim se bliže uređuju namjena, način i uslovi realizacije prava na ishranu studenata u mjestima u kojima ne postoji ustanova studentskog standarda, pri čemu se omogućava ostvarivanje tog prava studentima, nezavisno od mjesta njihovog prebivališta.“

Član 3.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona.“

Predsjedavajući Skupštine Unsko-sanskog kantona

Zikrija Duraković, dipl.ecc

Broj:

Datum:



OBRAZLOŽENJE PRIJEDLOGA ZAKONA O IZMJENAMA I DOPUNAMA ZAKONA O STUDENTSKOM STANDARDU

I USTAVNI I ZAKONSKI OSNOV

Ustavni osnov za donošenje Zakona o izmjenama i dopunama Zakona o studentskom standardu sadržan je u članu 2. b) Poglavlja IV. i člana 11. b) Odjeljka A. Poglavlja V. Ustava Unsko-sanskog kantona – Prečišćeni tekst („Službeni glasnik Unsko-sanskog kantona“, broj: 24/17- prečišćen tekst i 25/17), kojim je Kanton ovlašten za utvrđivanje obrazovne politike, uključujući propise o obrazovanju i osiguranje obrazovanja, odnosno Skupština Kantona ovlaštena za donošenje Zakona.

Zakonski osnov za donošenje Zakona o izmjenama i dopunama Zakona o studentskom standardu sadržan je u članu 122. Zakona o visokom obrazovanju na području Unsko- sanskog kantona („Službeni glasnik Unsko- sanskog kantona, broj: 26/24“), kojim je utvrđeno da se na pitanja studentskog standarda primjenjuje poseban zakon koji reguliše studentski standard.

II RAZLOZI ZA DONOŠENJE

Rukovodilac Ministarstva obrazovanja, nauke, kulture i sporta imenovao je Rješenjem broj: 10-34-1123-1/25 od 15.01.2025. godine Radnu grupu za izradu Pravilnika o kriterijima, uslovima i načinu sufinansiranja ishrane i smještaja za studente koji studiraju na JU Univerzitetu u Bihaću. Prilikom izrade Pravilnika, imenovana Radna grupa se usaglasila da bi pravo na subvencioniranu ishranu trebali imati svi studenti s područja Unsko- sanskog kantona, bez obzira na njihovo mjesto prebivališta, što nije moguće realizirati prema važećim odredbama Zakona o studentskom standardu („Službeni glasnik Unsko- sanskog kantona“, broj: 8/18) (u daljnjem tekstu: Zakon).

Naime, u članu 7. stav (1) Zakona određeno je da *pravo na ishranu od tri obroka dnevno imaju studenti koji ispunjavaju opće uvjete iz člana 4. ovog Zakona i čije prebivalište nije u mjestu studiranja*. Iz navedene odredbe proizilazi da studenti koji imaju prebivalište na području grada Bihaća ne mogu biti korisnici prava na ishranu iz naprijed navedenog Pravilnika, što je diskriminatorno i ne predstavlja jednak tretman prema svim studentima koji studiraju na Univerzitetu u Bihaću.

U cilju realizacije namjere ovog Ministarstva da obezbjedi sufinansiranje prava na ishranu i smještaj studenata koji studiraju na Univerzitetu u Bihaću, predlažemo sljedeće izmjene člana 7.:

(1) U članu 7. u stavu (1) na početku rečenice, dodaju se riječi: „U ustanovi studentskog standarda“ i interpunkcijski znak zarez.

(2) U članu 7. stav (4) mijenja se i glasi: „(4) U mjestima u kojima ne postoji ustanova studentskog standarda, poslove ishrane studenata Ministarstvo može povjeriti registrovanim subjektima ugostiteljske djelatnosti.“

(3) U članu 7. iza stava (4) dodaje se novi stav (5) i glasi: „(5) Ministar donosi pravilnik kojim se bliže uređuju namjena, način i uslovi realizacije prava na ishranu studenata u mjestima u kojima ne postoji ustanova studentskog standarda, pri čemu se omogućava ostvarivanje tog prava studentima, nezavisno od mjesta njihovog prebivališta.“

Smatramo da bi se naprijed predloženom izmjenom člana 7. stav (1) Zakona preciziralo da se pravo *na ishranu od tri obroka dnevno* ostvaruje u ustanovi studentskog standarda, dok bi se stav (4) i dodatni stav (5) isključivo odnosio na ostvarivanje prava iz studentskog standarda u mjestima u kojima nema ustanova studentskog standarda.

Kako ovo Ministarstvo, nakon uspostave prava na ishranu, planira regulisati i pitanje prava na subvencioniranje smještaja za predmetnu zakonsku kategoriju, predlažemo izmjenu člana 6. stav (6) Zakona po kojoj će *Ministar* donosi pravilnik kojim propisuje postupak i kriterije za izbor smještajnih kapaciteta iz stava (5) ovog člana, umjesto formulacije *Uslove koje trebaju ispunjavati smještajni kapaciteti propisuje ministar pravilnikom.*

III FINANSIJSKA SREDSTVA ZA PROVOĐENJE PREDMETNOG ZAKONA

Za provođenje ovog Zakona su potrebna dodatna finansijska sredstva, a ista su osigurana unutar planiranih budžetskih sredstava koja se nalaze na razdjelu 18, ekonomski kod 614 200, subanalitika IAM 007 u iznosu od 300.000, 00 KM.

IV OPIS VOĐENIH KONSULTACIJA

Zaključkom broj: 01/1-2-45-460/25 od 30.05.2025. godine, Skupština Unsko-sanskog kantona prihvatila je nacrt Zakona o izmjenama i dopunama Zakona o studentskom standardu, te zadužila Ministarstvo obrazovanja, nauke, kulture i sporta Unsko-sanskog kantona da provede javnu raspravu u trajanju od 30 dana, da sumira rezultate javne rasprave i sačini izvještaj koji će dostaviti Vladi Unsko-sanskog kantona i Skupštini Unsko-sanskog kantona uz tekst prijedloga Zakona.

Imajući u vidu naprijed utvrđenu obavezu, Ministarstvo obrazovanja, nauke, kulture i sporta Unsko-sanskog kantona je dana 11.06.2025. godine javno objavilo Program javne rasprave o nacrtu nacrt Zakona o izmjenama i dopunama Zakona o studentskom standardu, te uputila poziv za prisustvo sljedećim subjektima:

- JU Univerzitet u Bihaću,
- Unija studenata Univerziteta u Bihaću;
- Samostalni sindikat visokog obrazovanja i znanosti BiH, Kantonalni odbor USK,
- Kantonalna uprava za inspeksijske poslove.

Centralna javna rasprava o nacrtu Zakona o izmjenama i dopunama Zakona o studentskom standardu održana je u Bihaću, dana, 13.06.2025. godine u sali Skupštine Unsko-sanskog kantona, na kojoj su, prema evidenciji, pored predstavnika Ministarstva, prisustvovala 2 lica i to dva skupštinska zastupnika: Fatka Kulenović i Emir Dautović.

Zastupnica Fatka Kulenović je u svojstvu predsjednice Radne grupe za izradu Pravilnika o kriterijima, uslovima i načinu sufinansiranja ishrane i smještaja za studente koji studiraju na JU Univerzitetu u Bihaću izložila da prilikom izrade Pravilnika, imenovana Radna grupa se usaglasila da bi pravo na subvencioniranu ishranu trebali imati svi studenti s područja Unsko- sanskog kantona, bez obzira na njihovo mjesto prebivališta, što nije moguće realizirati prema važećim odredbama Zakona o studentskom standardu. Iz tog razloga je pokrenuta procedura za izmjenu propisa, što podržava i zalaže se za realizaciju ove ideje.

Zastupnik Emir Dautović je u svojoj raspravi istaknuo da se pitanje ishrane studenata može riješiti na drugačiji način, kroz davanje novčane podrške direktno studentima, koji će onda samostalno moći birati gdje će utrošiti sredstva. Smatra da bi se potencijalno moglo desiti da će se neki ugostiteljski objekti dovesti u povlašteni položaj ovakvim načinom definisanja prava na ishranu.

Primjedba zastupnika Dautovića nije prihvaćena, s obzirom da se ovo Ministarstvo već opredjelilo na uspostavljanje prava na ishranu studenata na način da će tu uslugu pružati registrovani ugostiteljski subjekti. Takođe, predloženi način novčanog sufinansiranja bi u tom slučaju imao karakter stipendije, a taj vid novčane podrške ovo Ministarstvo već pruža u skladu sa Zakonom o studentskom standardu.

Po okončanoj javnoj raspravi, Ministarstvo obrazovanja, nauke, kuture i sporta zaprimilo je akt Unije studenata protokolisanim pod brojem 10-02-7819-4/25 od 23.06.2025. godine u kojem navode da su saglasni sa predloženim izmjenama i dopunama Zakona o studentskom standardu.

Po formiranom prijedlogu Zakona, u skladu sa članom 16. Poslovnika o radu Vlade Unsko-sanskog kantona („Službeni glasnik Unsko-sanskog kantona“, broj: 21/21), ovo Ministarstvo je zatražilo mišljenje od Ureda za zakonodavstvo u pogledu usklađenosti sa Ustavom Kantona i pravnim sistemom i metodološkim jedinstvom u izradi propisa, Ministarstva pravosuđa i uprave u pogledu usklađenosti s propisima o ostvarivanju ljudskih prava i sloboda i Ministarstva finansija u pogledu finansijskih sredstava potrebnih za izvršenje propisa.

S tim u vezi, Ured za zakonodavstvo je dostavio **Mišljenje na prijedlog Zakona o izmjenama i dopunama Zakona o studentskom standardu broj: 21/02-7819-6/25 od 24.06.2025. godine** u kojem se obrađivaču propisa sugeriše da dopunu člana 3. stav (4) prijedloga Zakona izvrši u skladu sa članom 54. stav (1). Pravila i postupaka za izradu zakona i drugih propisa Federacije Bosne i Hercegovine („Službene novine Federacije Bosne i Hercegovine“, broj: 71/14), što je obrađivač i prihvatio.

Ministarstvo finansija je dostavilo Mišljenje broj: 04-11-7819-5/25 od 23.06.2025. godine u kojem se navodi da je Ministarstvo obrazovanja, nauke, kulture i sporta kao obrađivač akta postupilo u skladu sa članom 7. stav Pravilnika u pogledu fiskalne procjene za prijedlog Zakona o izmjenama i dopunama Zakona o Univerzitetu u Bihaću, uz napomenu da obrađivač akta-budžetski korisnik treba da se pridržava gornje granice rashoda odobrene za svakog budžetskog korisnika za fiskalnu i naredne dvije godine, a u okvirima fiskalnih kapaciteta u Budžetu Unsko-sanskog kantona.

Ministarstvo pravosuđa i uprave je dostavilo mišljenje broj: 07-02-7819-3/25 od 18.06.2025. godine da prijedlog Zakona o izmjenama i dopunama Zakona o studentskom standardu ne sadrži odredbe kojim se reguliše materija iz člana 16. stav 1 alineja 2 Poslovnika o radu Vlade Unsko-sanskog kantona u kojem je utvrđeno da ovo Ministarstvo daje mišljenje na nacрте i prijedloge propisa u pogledu njihove usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.

V OBRAZLOŽENJE PRAVNIH RJEŠENJA

U članu 1. mijenja se član 6. stav (6) Zakona gdje formulacija *Ministar donosi pravilnik kojim propisuje postupak i kriterije za izbor smještajnih kapaciteta iz stava (5) ovog člana*, zamjenjuje formulaciju *Uslove koje trebaju ispunjavati smještajni kapaciteti propisuje ministar pravilnikom*.

U članu 2. mijenja se član 7 stav (1), pa se na početku rečenice, dodaju se riječi: „U ustanovi studentskog standarda“ i interpunkcijski znak zarez. Prednje iz razloga što će se na taj način napraviti distinkcija postupka za ostvarivanja prava na ishranu u mjestima gdje postoji ustanova

studentskog standarda, od načina regulisanja postupka koji je određen u narednom stavu koji se mijenja.

U članu 7. stav (4) definiše se da *u mjestima u kojima ne postoji ustanova studentskog standarda, poslove ishrane studenata Ministarstvo može povjeriti registrovanim subjektima ugostiteljske djelatnosti*, na način kako je to predviđeno odredbom koja je nastala dodavanjem istom članu stava (5) gdje *Ministar donosi pravilnik kojim se bliže uređuju namjena, način i uslovi realizacije prava na ishranu studenata u mjestima u kojima ne postoji ustanova studentskog standarda, pri čemu se omogućava ostvarivanje tog prava studentima, nezavisno od mjesta njihovog prebivališta*

S poštovanjem,

Pomoćnik ministra:

Adisa Eminoglu, dipl.pravnik

Sekretar:

Albijana Tmavci, dipl.pravnik



MINISTAR
Denis Osmankić, dipl.ecc.



Broj: 10-45-35-85/25
Bihać, 11.06.2025. godine

Na osnovu Zaključka Skupštine Unsko-sanskog kantona 01/1-2-45-460/24 od 30.05.2025. godine, Ministarstvo obrazovanja, nauke, kulture i sporta Unsko-sanskog kantona, utvrđuje:

PROGRAM

javne rasprave o nacrtu Zakona o izmjenama i dopunama Zakona o studentskom standardu

1. Zaključkom broj: 01/1-2-45-460/25 od 30.05.2025. godine Skupština Unsko-sanskog kantona prihvatila je nacrt Zakona o izmjenama i dopunama Zakona o studentskom standardu, te zadužila Ministarstvo obrazovanja, nauke, kulture i sporta Unsko-sanskog kantona da provede javnu raspravu u trajanju od 30 dana, da sumira rezultate javne rasprave i sačini izvještaj koji će dostaviti Vladi Unsko-sanskog kantona i Skupštini Unsko-sanskog kantona uz tekst prijedloga Zakona.
2. Imajući u vidu naprijed izloženo, Ministarstvo obrazovanja, nauke, kulture i sporta Unsko-sanskog kantona upućuje u javnu raspravu nacrt Zakona o o izmjenama i dopunama Zakona o studentskom standardu, uz molbu za prisustvo svih zainteresiranih fizičkih i pravnih lica, a naročito:
 - **JU Univerzitet u Bihaću,**
 - **Unija studenata Univerziteta u Bihaću,**
 - **Samostalni sindikat visokog obrazovanja i znanosti BiH, Kantonalni odbor USK,**
 - **Kantonalna uprava za inspeksijske poslove.**
3. Svoje primjedbe, prijedloge, sugestije i mišljenja učesnici javne rasprave dostavit će Ministarstvu obrazovanja, nauke, kulture i sporta Unsko-sanskog kantona pismeno na adresu Alije Đerzeleza broj 2, Bihać ili elektronski na mail adresu obrazovanje.usk@gmail.com ili obrazovanje.visoko@vladausk.ba. Javna rasprava traje do **ponedjeljka, 16.06.2025. godine.**
4. Po isteku roka iz tačke 3. ovog programa, Ministarstvo obrazovanja, nauke, kulture i sporta Unsko-sanskog kantona će sumirati rezultate javne rasprave i sačiniti izvještaj o provedenoj javnoj raspravi, nakon čega će Vlada Unsko-sanskog kantona utvrditi prijedlog Zakona o izmjenama i dopunama Zakona o studentskom standardu i isti uputiti u daljnju skupštinsku proceduru.



5. ***Centralna javna rasprava*** o nacrtu Zakona o izmjenama i dopunama Zakona o studentskom standardu će se održati u Bihaću, **u petak, 13.06.2025. godine s početkom u 13:00 sati u sali Skupštine Unsko-sanskog kantona.**
6. Tekst nacrtu Zakona o izmjenama i dopunama Zakona o studentskom standardu može se preuzeti na internet stranici Vlade Unsko-sanskog kantona www.vladausk.ba.

Pomoćnik ministra:


Adisa Eminoglu, dipl.pravnik

Sekretar:

Albijana Trnavci, dipl.pravnik



MINISTAR
Denis Osmankić, dipl.ecc



Broj: 10-02-7819 - 7/25
Bihać, 23.06.2025. godine

IZVJEŠTAJ O PROVEDENOJ JAVNOJ RASPRAVI O NACRTU ZAKONA O IZMJENAMA I DOPUNAMA ZAKONA O STUDENTSKOM STANDARDU

Zaključkom broj: 01/1-2-45-460/25 od 30.05.2025. godine, Skupština Unsko-sanskog kantona prihvatila je nacrt Zakona o izmjenama i dopunama Zakona o studentskom standardu, te zadužila Ministarstvo obrazovanja, nauke, kulture i sporta Unsko-sanskog kantona da provede javnu raspravu u trajanju od 30 dana, da sumira rezultate javne rasprave i sačini izvještaj koji će dostaviti Vladi Unsko-sanskog kantona i Skupštini Unsko-sanskog kantona uz tekst prijedloga Zakona.

Imajući u vidu naprijed utvrđenu obavezu, Ministarstvo obrazovanja, nauke, kulture i sporta Unsko-sanskog kantona je dana 11.06.2025. godine javno objavilo Program javne rasprave o nacrtu nacrt Zakona o izmjenama i dopunama Zakona o studentskom standardu, te uputila poziv sljedećim subjektima:

- JU Univerzitet u Bihaću,
- Unija studenata Univerziteta u Bihaću;
- Samostalni sindikat visokog obrazovanja i znanosti BiH, Kantonalni odbor USK,
- Kantonalna uprava za inspekcijske poslove.

Svoje primjedbe, prijedloge, sugestije i mišljenja učesnici javne rasprave mogli su dostaviti Ministarstvu obrazovanja, nauke, kulture i sporta Unsko-sanskog kantona pismeno na adresu Alije Đerzeleza broj 2, Bihać ili elektronski na mail adresu obrazovanje.usk@gmail.com ili obrazovanje.visoko@vladausk.ba. Javna rasprava trajala je do **ponedjeljka, 16.06.2025. godine**. Tekst nacrt Zakona o izmjenama i dopunama Zakona o studentskom standardu se mogao preuzeti na internet stranici Vlade Unsko-sanskog kantona www.vladausk.ba.

Centralna javna rasprava o nacrtu Zakona o izmjenama i dopunama Zakona o studentskom standardu održana je u Bihaću, dana, 13.06.2025. godine s početkom u 13 sati u sali



Skupštine Unsko-sanskog kantona, na kojoj su, prema evidenciji, pored predstavnika Ministarstva, prisustvovala 2 lica i to dva skupštinska zastupnika: Fatka Kulenović i Emir Dautović.

Zastupnica Fatka Kulenović je u svojstvu predsjednice Radne grupe za izradu Pravilnika o kriterijima, uslovima i načinu sufinansiranja ishrane i smještaja za studente koji studiraju na JU Univerzitetu u Bihaću izložila da prilikom izrade Pravilnika, imenovana Radna grupa se usaglasila da bi pravo na subvencioniranu ishranu trebali imati svi studenti s područja Unsko-sanskog kantona, bez obzira na njihovo mjesto prebivališta, što nije moguće realizirati prema važećim odredbama Zakona o studentskom standardu. Iz tog razloga je pokrenuta procedura za izmjenu propisa, što podržava i zalaže se za realizaciju ove ideje.

Zastupnik Emir Dautović smatra da se pitanje ishrane studenata može riješiti na drugačiji način, kroz davanje novčane podrške direktno studentima, koji će onda samostalno moći birati gdje će utrošiti sredstva. Smatra da bi se moglo desiti da će se neki ugostiteljski objekti dovesti u povlašten položaj ovakvim načinom definisanja prava na ishranu.

Po okončanoj javnoj raspravi, Ministarstvo obrazovanja, nauke, kulture i sporta zaprimilo je akt Unije studenata protokolisanim pod brojem 10-02-7819-4/25 od 23.06.2025. godine u kojem navode da su saglasni sa predloženim izmjenama i dopunama Zakona o studentskom standardu.

Obradila:
Adisa Eminoglu, dipl.pravnik

Prilog:

- Evidencijska lista prisustva


Dostavljeno:

- Skupštini USK,
- a/a




MINISTAR

Denis Osmanović, dipl.ecc



Centralna javna rasprava o nacrtu Zakona o izmjenama i dopunama Zakona o studentskom standardu
Bihac 13.06.2025. godine

r.br.	IME I PREZIME	Institucija/ustanova/funkcija
1.	Đoković Erna	školska uska
2.	FATKA MUJEVIĆ	školska uska
3.		
4.		
5.		
6.		
7.		
8.		
9.		
10.		
11.		
12.		
13.		
14.		
15.		
16.		
17.		
18.		
19.		
20.		
21.		



10

1276

Broj: 07-02-7819- 3/25
Bihać, 18.6.2025. godine


MINISTARSTVO OBRAZOVANJA, NAUKE, KULTURE I SPORTA
-ovdje-

PREDMET : Mišljenje, dostavlja se,-

VEZA: Vaš akt broj: 10-02-7819-1/25 od 16.6.2025. godine

U skladu sa članom 16. stav (1) alineja 2. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj 21/21), o dostavljenom prijedlogu Zakona o izmjenama i dopunama Zakona o studentskom standardu, obavještavamo vas da navedeni prijedlog Zakona ne sadrži materiju iz člana 16. stav (1) alineja 2. Poslovnika o radu Vlade Unsko-sanskog kantona, odnosno ne sadrži odredbe o ostvarivanju ljudskih prava i sloboda, odredbe o organizaciji pravosuđa i organizaciji organa uprave i upravnih organizacija i odredbe o sankcijama.

PO OVLAŠTENJU MINISTRA
Pomoćnik ministra za pravosuđe,
upravljanje ljudskim resursima
Aida Hadžić-Tuzlak, dipl. pravnik



Dostavljeno:
naslovu
-a/a



Broj: 04 - 11 - 7819 - 8/25
Bihać, 26.06.2025. godine

MINISTARSTVO OBRAZOVANJA,
NAUKE, KULTURE I SPORTA USK-a

PREDMET: Mišljenje o fiskalnoj procjeni, dostavlja se;
Veza, Vaš akt broj : 10/5-11-7819-5/25 od 23.06.2025. godine

Shodno članu 16. Stav 1. Alineja 3. Poslovnika o radu Vlade Unsko-sanskog kantona ("Službeni glasnik Unsko-sanskog kantona" broj: 21/21), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje finansijskih sredstava potrebnih za izvršenje propisa.

Dalje, po odredbi člana 1. i 2. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Sljedom gore navedenog dajemo sljedeće:

Mišljenje

Ministarstvo obrazovanja, nauke, kulture i sporta Unsko-sanskog kantona, je svojim aktom broj i datum gornji, Ministarstvu finansija dostavilo Prijedlog Zakona o izmjenama i dopunama Zakona o studentskom standardu, te Obrazac izjava o fiskalnoj procjeni (potpisan i ovjeren od strane ovlaštene osobe: Obrazac IFP-DA). Obrađivač je u obrazloženju obrasca naveo :

"Za provođenje Zakona o izmjenama i dopunama Zakon o studentskom standardu nije potrebno osigurati dodatna sredstva u Budžetu Unsko-sanskog kantona za 2025. godinu kao i za n+1 i n+2 godinu. Članom 3. Stav (3) predloženog Zakona je definisano da će Ministar donijeti Pravilnik kojim će bliže urediti namjenu, način i uslove realizacije prava na ishranu studenata u kojima ne postoji ustanova iz studentskog standarda. Donošenjem predmetnog Pravilnika će se jasno definisati potrebna sredstva za primjenu istog."


Obzirom na navedeno Ministarstvo finansija smatra da je obrađivač akta postupio u skladu sa članom 7. Pravilnika u pogledu fiskalne procjene za Prijedlog Zkona o izmjenama i dopunama o Zakonskom standard , uz napomenu da obrađivač akta - budžetski korisnik treba da se pridržava gornje granice rashoda odobrene za svakog budžetskog korisnika za fiskalnu i naredne dvije godine, a u okvirima fiskalnih kapaciteta u Budžetu Unsko-sanskog kantona.


S poštovanjem,

Obrađivač akta
Zlatan Zirić, dipl. ecc.

Dostavljeno:

1. Naslovu
2. Minist. finansija
3. a/a





Broj: 21/02-02-7819 6 /25
Bihać, 24.06. 2025. godine

MINISTARSTVO OBRAZOVANJA, NAUKE KULTURE I SPORTA

PREDMET: Mišljenje na prijedlog Zakona o izmjenama i dopunama Zakona o studentskom standardu, dostavlja se;

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona", broj: 9/11, 22/11 i 7/18), Ured za zakonodavstvo Vlade Unsko-sanskog kantona daje

MIŠLJENJE

na prijedlog Zakona o izmjenama i dopunama Zakona o studentskom standardu

Pravni osnov za donošenje Zakona o izmjenama i dopunama Zakona o studentskom standardu (u daljnjem tekstu: prijedlog Zakona), sadržan je u odredbi člana 2. tačka b) Poglavlje IV. i člana 11. tačka b) Odjeljak A Poglavlje V. Ustava Unsko-Sanskog kantona – prečišćeni tekst ("Službeni glasnik Unsko-sanskog kantona", br. 1/2004 i 11/2004).

Nakon analize teksta dostavljenog prijedloga Zakona, Ured za zakonodavstvo Vlade Unsko-sanskog kantona shodno obavezi primjene Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj: 71/14) (u daljnjem tekstu: Pravila) sugeriše slijedeće:

- dopunu člana 3. stav (4) prijedloga Zakona izvršiti u skladu sa članom 54. stav (1) Pravila.

Ured za zakonodavstvo Vlade Unsko-sanskog kantona predlaže obrađivaču da uvažavajući datu sugestiju, prijedlog Zakona uputi u daljnji postupak.

Dostavljeno:

1. naslovu
2. a/a





Message preview

Odgovori Odgovori sv... Proslijedi Obriši Ispis Arhiva Spam Označi Više Previous Next

11



Webmail
Home

Fwd: Izmjene Zakona o studentskom standardu



From Ministarstvo obrazovanja Unsko-sanskog kantona on 2025-06-20 16:32

Details Headers Samo tekst

Poštovani,
u prilogu dopis Unije studenata.

----- Forwarded message -----

Šalje: **Unija Studenata** <usubunbi21@gmail.com>

Date: sri, 18. lip 2025. u 12:37

Subject: Izmjene Zakona o studentskom standardu

To: <obrazovanje@vladausk.ba>

BOSNA I HERCEGOVINA
OPĆINA BOSNE I HERCEGOVINE
UNSKO-SANSKI KANTON
BIHAĆ

DOKUMENT		23	2025
Redni broj	Broj priloga	10-02-7819	7

25

Poštovani,

Ovim putem vas obavještavamo da smo saglasni sa predloženim izmjenama Zakona o studentskom standardu, a koje su trebale biti predmet rasprave na javnoj raspravi prethodne sedmice.

Uz dužno poštovanje.

Srdačan pozdrav.

Mirza Muminović, predsjednik Unije studenata Univerziteta u Bihaću.

S poštovanjem,

Ministarstvo obrazovanja, nauke, kulture i sporta Unsko-sanskog kantona

V - STRUKTURA KANTONALNE VLASTI**A. ZAKONODAVNA VLAST KANTONA****1. Opće odredbe****Član 1.**

Zakonodavno tijelo Kantona je Skupština Kantona, koja se sastoji od jednog doma.

Član 2.

(1) Skupština Kantona se sastoji od 30 poslanika.

Nacionalna struktura poslanika Skupštine održava nacionalnu strukturu stanovništva Kantona.

Član 3.

Poslanici u Skupštini Kantona imaju četverogodišnji mandat.

Član 4.

- (1) Poslanike u Skupštini Kantona biraju birači na demokratskim i neposrednim izborima, tajnim glasanjem, na cijelom teritoriju Kantona. Svaki birač ima pravo glasati za bilo koju od registriranih stranki.
- (2) Prije svakih izbora svaka registrirana stranka objavljuje izbornu listu kandidata. Poslanici će biti birani s vrha liste stranke prema broju dobivenih glasova; zamjene za poslanike obavljaju se od osoba koje slijede na ostatku liste.
- (3) Svaki birač može biti biran za poslanika u Skupštini Kantona.

Član 5.

Skupština Kantona prvi put bit će sazvana najkasnije deset dana nakon objavljivanja rezultata izbora.

Član 6.

Skupština Kantona ima predsjedavajućeg i zamjenike predsjedavajućeg.

Član 7.

- (1) U Skupštini Kantona formiraju se klubovi delegata konstitutivnih naroda, uz uslov da postoji najmanje jedan delegat tog konstitutivnog naroda.
- (2) Svaki klub delegata predlaže jednog kandidata iz reda svojih članova za izbor na mjesto predsjedavajućeg ili zamjenika predsjedavajućeg koje potvrđuje Skupština kantona.
- (3) Skupština Kantona potvrđuje kandidate u skladu sa svojim poslovníkom.
- (4) Ako jedan konstitutivni narod nije zastupljen u Skupštini Kantona, jedno od mjesta zamjenika predsjedavajućeg ostaje upražnjeno.
- (5) Tri kandidata koja potvdi Skupština odlučuju između sebe ko će biti predsjedavajući.

Član 8.

Skupština Kantona zasjeda javno, osim u izuzetnim okolnostima predviđenim njenim poslovníkom i objavljuje izvještaje o zasjedanjima i odlukama.

Član 9.

Poslanici u Skupštini Kantona ne podliježu krivično - pravnoj, ni građansko - pravnoj odgovornosti za radnje koje čine u okviru svojih dužnosti u Skupštini Kantona.

Član 10.

Kantonálni zakoni stupaju na snagu kao što je u njima utvrđeno, ali ne prije nego što budu objavljeni u službenom glasilu Kantona.

2. Djelokrug Skupštine Kantona**Član 11.**

Skupština Kantona:

- a) priprema, donosi, proglašava Ustav Kantona, amandmane na Ustav Kantona i ustavni zakon Kantona;
- b) donosi zakone Kantona;
- c) potvrđuje imenovanje Vlade Kantona i popunu svakog slobodnog mjesta u Vladi;
- d) osniva sudove u Kantonu;
- e) razmatra izvještaje ombudsmena;
- f) usvaja budžet Kantona i donosi zakone o oporezivanju i na drugi način osigurava potrebno finansiranje;
- g) bira delegate u Dom naroda Parlamenta Federacije u skladu sa Ustavom i zakonom Federacije i ovim Ustavom;
- h) odlučuje o delegiranju ovlaštenja Kantona na federalne i općinske vlasti;
- i) odlučuje o osnivanju savjeta Kantona zajedno sa drugim kantonima;
- j) odobrava zaključivanje međunarodnih sporazuma s državama i međunarodnim organizacijama u skladu s Ustavom Federacije i ovim Ustavom;
- k) utvrđuje politiku i donosi propise koji se tiču koordinacije rješavanja međukantonálnih pitanja;
- l) provodi istrage i u tu svrhu može zahtijevati svjedočenja, dokaze i dokumenta, ne ulazeći u ovlaštenje sudske vlasti;
- m) donosi poslovník Skupštine;
- n) donosi i druge propise u obavljanju kantonálnih ovlaštenja;
- o) obavlja i druga ovlaštenja koja su joj povjerena ustavom i zakonom Federacije i Kantona i poslovníkom Skupštine Kantona;

Član 3.

Ovim Ustavom, u skladu sa Ustavom Federacije, osiguravaju se institucije vlasti u Kantonu i zaštita prava i sloboda, utvrđenih tim Ustavom.

Član 4.

Sastav svih organa u Kantonu mora odražavati i nacionalnu strukturu stanovništva Kantona, odnosno općine ako Ustavom nije drukčije utvrđeno.

Član 5.

Službeno ime Kantona je Unsko-sanski kanton.

Član 6.

Sjedište Kantona je u Bihaću.

Član 7.

- (1) Kanton ima grb, zastavu, pečat i druge simbole o kojima odluči Skupština Kantona.
- (2) Za prihvatanje simbola potrebna je većina glasova poslanika u Skupštini Kantona.
- (3) Simboli Kantona upotrebljavat će se, uz simbole Bosne i Hercegovine i Federacije, u skladu sa zakonom.

Član 8.

Službeni jezici Kantona su bosanski jezik, hrvatski jezik i srpski jezik. Službena pisma su latinica i ćirilica.

Ostali jezici mogu se koristiti kao sredstvo komunikacije i nastave.

II - LJUDSKA PRAVA I OSNOVNE SLOBODE**Član 1.**

Kanton će poduzimati sve potrebne mjere zaštite ljudskih prava i sloboda utvrđenih u članovima 1. do 7., odjeljak A, poglavlja II i instrumentima Aneksa Ustava Federacije i ovim Ustavom.

Član 2.

Kanton će posebno osigurati uvjete za slobodan povratak svih izbjeglica i raseljenih osoba u prebivališta na području Kantona iz kojih su izbjegli ili raseljeni.

Član 3.

- (1) Sve osobe imaju pravo u skladu sa zakonom Federacije i Kantona, na povratak sve svoje imovine oduzete u toku etničkog progona kao i na nadoknadu za svu imovinu koja im ne može biti vraćena.
- (2) Sve pod prisilom date izjave i preuzete obaveze, posebno one koje se tiču odricanja od prava na zemlju i drugu imovinu, smatraju se ništavnim.

Član 4.

Svi sudovi, organi uprave, institucije koje obavljaju javna ovlaštenja i drugi organi vlasti u

Kantonu primjenjivat će i poštovati prava i slobode predviđene u aktima navedenim u Aneksu Ustava Federacije.

Član 5.

Svi ovlašteni organi vlasti u Kantonu će, u okviru saradnje koju ostvaruju ovlašteni organi Federacije, saradivati s međunarodnim posmatračkim tijelima za ljudska prava osnovanim za Bosnu i Hercegovinu kao i nadzornim tijelima osnovanim instrumentima navedenim u Aneksu Ustava Federacije.

III - SARADNJA SA OMBUDSMENIMA**Član 1.**

Ljudska prava i slobode štite ombudsmeni u skladu s Ustavom Federacije i ovim Ustavom.

Ombudsmeni mogu ispitivati djelatnosti bilo koje institucije ili osobe u Kantonu, koje su negirale ljudsko dostojanstvo, prava i slobode, uključujući provođenje etničkog progona ili održavanje njegovih posljedica.

Član 2.

- (1) Organi vlasti u Kantonu dužni su omogućiti nesmetano ostvarivanje ovlaštenja ombudsmena koja su utvrđena Ustavom Federacije i ovim Ustavom, i u tom cilju će naročito:
 - a) davati na uvid sve službene dokumente, uključujući i tajne, te sudske i upravne spise;
 - b) osigurati saradnju svake osobe, uključujući svakog službenika, u davanju potrebnih informacija, dokumenata i spisa;
 - c) osigurati pristup i kontrolu svih mjesta gdje su osobe lišene slobode zatvorene ili gdje rade;
 - d) omogućiti prisustvovanje sudskim i upravnim postupcima kao i sastancima drugih organa.
- (2) Ombudsmeni su nezavisni u obavljanju svojih ovlaštenja i nijedan organ vlasti niti bilo koja osoba u Kantonu ne mogu se miješati u ta ovlaštenja.

Član 3.

Organi vlasti i institucije u Kantonu su obavezni razmotriti izvještaj ombudsmena i odgovoriti u roku koji on odredi.

IV - DJELOKRUG KANTONA**Član 1.**

Kanton ima sva ovlaštenja koja nisu Ustavom Federacije izričito povjerena federalnoj vlasti ili koja nisu Ustavom Federacije utvrđena kao zajednička ovlaštenja Federacije i Kantona.

Član 2.

Kanton je ovlašten, ako ovim Ustavom nije drugačije određeno za:

- a) uspostavljanje i nadziranje policijskih snaga, koje će imati jedinstvene federalne uniforme s kantonalnim oznakama;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguranja javnih službi;
- f) donošenje propisa o korištenju lokalnog zemljišta, uključujući zoniranje;
- g) donošenje propisa o unapređivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi s osiguranjem radija i televizije uključujući donošenje propisa o osiguranju njihova rada i izgradnje;
- j) provođenje socijalne politike i uspostava službi socijalne zaštite;
- k) stvaranje i primjenu politike kantonalnog turizma, razvoj turističkih resursa;
- l) finansiranje djelatnosti kantonalne vlasti ili njenih agencija oporezivanjem, zaduživanjem ili drugim sredstvima;
- m) obavljanje i drugih ovlaštenja utvrđenih ustavom i zakonom Federacije i Kantona.

Član 3.

Kanton i federalna vlast, u skladu sa Ustavom Federacije, ovlašteni su za:

- (a) jamčenje i provođenje ljudskih prava;
- (b) zdravstvo;
- (c) politika zaštite čovjekove okoline;
- (d) komunikacijsku i transportnu infrastrukturu, u skladu sa Ustavom Bosne i Hercegovine;
- (e) socijalnu politiku;
- (f) provođenje zakona i drugih propisa o državljanstvu i putnim ispravama državljana Bosne i Hercegovine sa teritorije Federacije, i o boravku i kretanju stranaca;
- (g) turizam;
- (h) korištenje prirodnih bogatstava.

Član 4.

- (1) U skladu sa potrebama, ovlaštenja iz prethodnog člana mogu biti ostvarivana zajednički ili odvojeno, ili od strane Kantona koordinirano od federalne vlasti.
- (2) O načinu ostvarivanja ovih ovlaštenja Kanton i federalna vlast dogovaraju se na trajnoj osnovi.

- (3) U obavljanju ovih ovlaštenja, u skladu s Ustavom Federacije i ovim Ustavom, Kanton će se obraćati međukantonalnom savjetu za koordinaciju rješavanja međukantonalnih pitanja i za dosljedno rješavanje pitanje koja se tiču interesa van njihovih kantonalnih granica te provoditi odluke, sudjelovati u odlučivanju i kad je potrebno, predlagati odluke u zakonodavnim tijelima. Kanton će utvrđivati politiku i provoditi zakone koji se tiču svakog od ovih ovlaštenja.

Član 5.

U izvršavanju svojih nadležnosti utvrđenih Ustavom Federacije i ovim Ustavom, Kanton će voditi računa o nacionalnoj strukturi u svakoj općini i osiguravati da konstitutivni narodi i pripadnici grupe ostalih budu proporcionalno zastupljeni u ministarstvima kantona.

Takva proporcionalna zastupljenost u skladu je sa popisom stanovništva iz 1991. godine, do potpune provedbe Aneksa 7.

Član 6.

- (1) Kanton zakonom delegira svoja ovlaštenja na federalnu vlast ili na općine na svom teritoriju, u skladu s Ustavom Federacije i ovim Ustavom.
- (2) Zakon o delegiranju ovlaštenja Kantona na federalnu vlast donosi Skupština Kantona dvotrećinskom većinom glasova poslanika u Skupštini.

Član 7.

- (1) Prilikom donošenja propisa koji se odnose na lokalnu samoupravu Kanton će na prikladan način konsultirati općinske vlasti.
- (2) Kantonalne vlasti će osigurati izvore finansiranja općinama za delegirano ovlaštenje.
- (3) Kantonalna vlast obavlja upravni nadzor nad radom općinske vlasti u obavljanju prenesenih ovlaštenja.

Član 8.

Kanton može, u skladu s Ustavom Federacije i ovim Ustavom, zaključivati sporazume s državama i međunarodnim organizacijama.

Član 9.

- (1) Kanton može, zajedno sa drugim kantonima osnovati Savjet kantona radi koordiniranja politike i aktivnosti u vezi s pitanjima od zajedničkog interesa za njihove zajednice i radi obavješćavanja svojih predstavnika u Domu naroda.
- (2) Savjet može osnovati koordinacijska tijela, kao što su komisije i radne grupe, radi razmjene informacija i usklađivanja aktivnosti kantona u obavljanju njihovih ovlaštenja, ali ne mogu obuhvaćati vojne ili političke dogovore.



SLUŽBENI GLASNIK

UNSKO-SANSKOG KANTONA

Godina XXII - Broj 8	Utorak, 20.mart 2018. BIHAĆ	Izdanje na bosanskom jeziku
----------------------	--------------------------------	--------------------------------

210.

Na osnovu člana 2. b) Poglavlja IV. i člana 11. b) Odjeljka A. Poglavlja V. Ustava Unsko-sanskog kantona - Prečišćeni tekst („Službeni glasnik Unsko-sanskog kantona“, broj: 5/04 i 11/04), Skupština Unsko-sanskog kantona na 38. redovnoj sjednici, održanoj dana 05.03.2018. godine, donijela je:

ZAKON O STUDENTSKOM STANDARDU

I. OSNOVNE ODREDBE

Član 1.

(Predmet zakona)

Ovim Zakonom uređuju se prava, obaveze i odgovornost, studenata u oblasti studentskog standarda, osnivanje, organizacija i rad ustanova studentskog standarda, finansiranje studentskog standarda i studentskih udruženja, osnivanje studentskih udruženja i drugih studentskih organizacija, nadzor nad provođenjem ovog Zakona, kao i druga pitanja u oblasti studentskog standarda.

Član 2.

(Studentski standard)

(1) Studentski standard, u smislu ovog Zakona, je organizirana djelatnost kojom se u oblasti visokog obrazovanja osiguravaju dodatni uvjeti za dostupnije, efikasnije i kvalitetnije obrazovanje studenata.

(2) Studentski standard ima za cilj stvaranje materijalnih, kulturnih, socijalnih, zdravstvenih i drugih uvjeta kojima se potiče stjecanje obrazovanja, društvena uključenost i svestrani razvoj ličnosti studenata.

Član 3.

(Prava u oblasti studentskog standarda)

(1) Student ima pravo na:

- a) smještaj,
- b) ishranu,
- c) studentsku stipendiju,
- d) studentski kredit,
- e) stipendiju za izuzetno nadarene studente,

- f) zdravstveno osiguranje,
- g) kulturne, umjetničke, sportske i rekreativne aktivnosti i informiranje,
- h) studentsko organiziranje.

Član 4.

(Opšti uvjeti za ostvarivanje prava u oblasti studentskog standarda)

- (1) Prava iz stava (1) člana 3. ovog Zakona imaju studenti visokoškolskih ustanova čiji je osnivač Unsko-sanski kanton.
- (2) Prava iz člana 3. stav (1) ovog Zakona mogu ostvariti studenti na svim javnim visokoškolskim ustanovama u Bosni i Hercegovini na studijskim linijama koje nisu integrisane u sklopu Univerziteta u Bihaću, a čije je prebivalište Unsko-sanski kanton.
- (3) Prava iz člana 3. stav (1) ovog Zakona mogu ostvariti studenti strani državljani ukoliko se redovno školuju na visokoškolskoj ustanovi čiji je osnivač Unsko-sanski kanton, u skladu sa Međunarodnim ugovorom.
- (4) Student iz osjetljivih društvenih grupa i djeca šehida, poginulih boraca, ratnih vojnih invalida, djeca demobilisanih boraca, studenti iz materijalno ugroženih porodica, djeca bez roditeljskog staranja, jednoroditeljske porodice, Romi, lica sa invaliditetom, lica sa hroničnim bolestima), ostvaruje prava iz člana 3. stav (1) ovog Zakona, pod uvjetima utvrđenim ovim Zakonom i primjenom blažih kriterija, koje u skladu sa ovlaštenjima iz ovog Zakona propisuje ministar Ministarstva obrazovanja, nauke, kulture i sporta (u daljem tekstu: ministar).
- (5) Student sa posebnim potrebama ostvaruje pravo na odgojni rad, odnosno smještaj u ustanovu studentskog standarda, uz uvažavanje njegovih posebnih potreba.

Član 5.

(Obavljanje djelatnosti)

- (1) Djelatnost u oblasti studentskog standarda obavljaju ustanove studentskog standarda (u daljem tekstu : ustanova), u skladu sa ovim Zakonom.

- (2) Na osnivanje i rad ustanova iz stava (1) ovog člana primjenjuju se propisi o ustanovama.

II. PRAVA, OBAVEZE I ODGOVORNOST STUDENATA

Član 6.

(Pravo studenata na smještaj i ishranu)

- (1) Pravo na smještaj u ustanovi za smještaj studenata ima student koji ispunjava opće uvjete iz člana 4. ovog Zakona i čije prebivalište nije u općini sjedišta visokoškolske ustanove na kojoj studira.
- (2) Ukoliko smještajni kapaciteti to dopuštaju, pravo na smještaj u ustanovi za smještaj studenata mogu ostvariti studenti visokoškolskih ustanova čiji osnivač nije Unsko-sanski kanton ili jedinica lokalne samouprave, koji sami finansiraju svoje školovanje, po ekonomskoj cijeni koju utvrđuje upravni odbor ustanove uz saglasnost Ministarstva obrazovanja, nauke, kulture i sporta (u daljnjem tekstu: Ministarstvo).
- (3) Pravo iz stava (1) ovog člana ostvaruje student na osnovu konkursa koji se raspisuje, najkasnije tri mjeseca prije početka akademske godine, odnosno za studente drugog i trećeg ciklusa studija - po završetku upisa.
- (4) Bliže uvjete, kriterije za utvrđivanje redoslijeda i način ostvarivanja prava studenata na smještaj i ishranu, visinu učešća korisnika prava u troškovima smještaja i ishrane i druga pitanja od značaja za ostvarivanje prava za smještaj i ishranu studenata propisuje ministar.
- (5) Izuzetno, ukoliko ne postoji registrirana javna ustanova, Ministarstvo će putem javnog poziva izabrati privatne smještajne kapacitete za ostvarivanje ovog prava.
- (6) Uslove koje trebaju ispunjavati smještajni kapaciteti propisuje ministar pravilnikom.

Član 7.**(Pravo studenata na ishranu)**

(1) Pravo na ishranu od tri obroka dnevno imaju studenti koji ispunjavaju opće uvjete iz člana 4. ovog Zakona i čije prebivalište nije u mjestu studiranja.

(2) Pravo na ishranu mogu ostvariti i studenti visokoškolskih ustanova čiji osnivač nije Unsko-sanski kanton, odnosno koji sami finansiraju svoje studije, po cijeni koju utvrđuje upravni odbor ustanove studentskog standarda uz saglasnost Ministarstva.

(3) Odluku o ostvarivanju prava studenata na ishranu iz stava (1) i (2) ovog člana donosi ministar.

(4) Pravo na ishranu studenti ostvaruju u ustanovi studentskog standarda, a u mjestima u kojima nema ustanova studentskog standarda Ministarstvo može zaključiti ugovor o obavljanju poslova ishrane studenata sa organizacijama iz oblasti ugostiteljstva putem javnog poziva i prema kriterijima koje donosi ministar.

Član 8.**(Pravo na studentsku stipendiju)**

(1) Pravo na studentsku stipendiju ima student koji ispunjava opće uvjete iz člana 4. ovog Zakona, koji nije gubio nijednu godinu tokom studija, odnosno koji prvi put upisuje akademsku godinu, koji je prema nastavnom programu visokoškolske ustanove na kojoj studira ostvario pravo na upis u narednu akademsku godinu i koji ima prebivalište na teritoriji Unsko-sanskog kantona.

(2) Bliže uvjete, kriterije za utvrđivanje redoslijeda, način ostvarivanja prava na studentsku stipendiju i način vođenja evidencije o odobrenim stipendijama propisuje ministar.

Član 9.**(Pravo na studentski kredit)**

(1) Pravo na studentski kredit ima student koji ispunjava opće uvjete iz člana 4. ovog Zakona, koji je prvi put upisan u zimski

semestar studija i koji ima prebivalište na teritoriji Unsko-sanskog kantona.

(2) Bliže uvjete, kriterije za utvrđivanje redoslijeda, način ostvarivanja prava na studentski kredit i način vođenja evidencije o odobrenim kreditima, propisuje ministar.

Član 10.**(Pravo na stipendiju za izuzetno nadarene studente)**

(1) Pravo na stipendiju za izuzetno nadarene studente ima student počevši od treće godine studija, odnosno sa ostvarenih 120 ECTS bodova (osnovne akademske studije, master akademske studije i doktorske akademske studije), koji ispunjava opće uvjete iz člana 4. ovog Zakona, koji tokom studiranja ostvari prosječnu ocjenu najmanje 9,00/4,5.

(2) Bliže uvjete za dodjelu stipendija iz stava (1) ovog člana, kriterije za utvrđivanje redoslijeda kandidata, način i postupak ostvarivanja prava na stipendiju i druga pitanja od značaja za ostvarivanje tog prava propisuje ministar.

Član 11.**(Pravo na kulturne, umjetničke, sportske i druge aktivnosti i informiranje)**

(1) Radi postizanja boljeg uspjeha u učenju i skladnog razvoja ličnosti studenata, mogu se organizirati kulturne, umjetničke, sportske i rekreativne aktivnosti i informiranje u skladu sa ovim Zakonom.

(2) Poseban oblik aktivnosti iz stava (1) ovog člana su takmičenja: kantonalna, državna i međudržavna.

(3) Bliže uvjete i način ostvarivanja prava iz stava (1) i (2) ovog člana propisuje ministar pravilnikom.

Član 12.**(Obaveze i odgovornost studenata u ustanovi)**

(1) Student je dužan prava koristiti u skladu sa ovim Zakonom i općim aktom ustanove i odgovorno se odnositi prema imovini, drugim studentima i uposlenima u ustanovi.

(2) Student može odgovarati disciplinski i materijalno.

(3) Student odgovara disciplinski za povredu obaveze koja je u vrijeme izvršenja bila utvrđena ovim Zakonom.

(4) Student koji u ustanovi prouzrokuje materijalnu štetu namjerno ili krajnjom nepažnjom odgovara za štetu, u skladu sa Zakonom.

(5) Postupak za utvrđivanje povrede obaveze i odgovornosti studenta, ustanova vodi primjenom pravila općeg upravnog postupka i okončava se rješenjem.

Član 13.

(Povrede obaveza studenata)

(1) Povrede obaveza studenata mogu biti lakše i teže.

(2) Lakše povrede obaveza propisuju se općim aktom ustanove, a teže ovim Zakonom.

(3) Teže povrede obaveza studenata;

a) zloupotreba prava na smještaj,

b) zloupotreba prava na ishranu,

c) ustupanje prava na smještaj i ishranu trećem licu,

d) ostvarivanje prava na smještaj i ishranu na osnovu isprava sa neistinitim podacima,

e) falsificiranje ili prepravljnje javne isprave na osnovu koje se ostvaruje pravo na smještaj i ishranu,

f) izazivanje opasnosti, oštećenje ili uništavanje imovine ustanove, odnosno studenata i uposlenih, namjerno ili krajnjom nepažnjom,

g) otuđivanje imovine ustanove, odnosno studenata ili uposlenih u ustanovi,

h) držanje, nošenje i upotreba oružja, odnosno eksplozivnih materija, zapaljivih tečnosti i gasova,

i) prodaja, ponuda, kupovina radi prodaje, držanje, prenošenje ili posredovanje u prodaji ili kupovini ili na drugi način neovlašteno

stavljanje u promet, podstrekavanje i pomaganje u upotrebi supstanci ili preparata koji su proglašeni za opojne droge, odnosno psihoaktivnih supstanci i supstanci koje se mogu upotrijebiti u nezakonitoj proizvodnji opojnih droga,

j) upotreba opojnih droga, odnosno psihoaktivnih supstanci i alkohola u ustanovi,

k) nasilničko ponašanje ili izazivanje i učestvovanje u tuči i drugim konfliktima u ustanovi ili na javnom mjestu kojima se ugrožava javni red i mir,

l) poticanje, organiziranje ili učestvovanje u aktivnostima koje su zabranjene u ustanovi,

m) iznošenje, oštećenje ili uništavanje evidencije ili unošenje i prepravljnje podataka u evidenciji koju vodi ustanova,

n) ponavljanje lakših povreda obaveza i kršenja odredaba kućnog reda odnosno pravila ponašanja u ustanovi.

(4) Postupak utvrđivanja prekršaja iz stava (2) ovog Zakona propisuje ustanova.

III. USTANOVE ZA SMJEŠTAJ STUDENATA

Član 14.

(Vrste ustanova studentskog standarda)

Ustanove studentskog standarda su:

a) studentski centar – za ostvarivanja prava studenata na smještaj i ishranu,

b) studentski dom – za ostvarivanja prava na smještaj.

Član 15.

(Djelatnost ustanova za smještaj i ishranu)

(1) Studentski centar je ustanova koja osigurava smještaj i ishranu studenata.

(2) Studentski dom je ustanova koja osigurava smještaj studenata.

(3) Smještaj studenata u ustanovama iz stava (1) i (2) ovog člana organizira se odvojeno prema spolu studenata.

Član 16.

(Osnivanje)

(1) Ustanovu može osnovati Unsko-sanski kanton, jedinica lokalne samouprave i drugo domaće ili strano pravno ili fizičko lice.

(2) Kada je osnivač ustanove Unsko-sanski kanton, akt o osnivanju donosi Skupština Unsko-sanskog kantona.

Član 17.

(Uvjeti za osnivanje, početak rada i obavljanje djelatnosti)

(1) Ustanova se može osnovati ako:

a) postoji potreba za smještajem i ishranom studenata, za kulturnim, umjetničkim, sportskim i rekreativnim aktivnostima i informiranjem studenata

b) ima osigurana sredstva za osnivanje i rad

(2) Ustanova može početi sa radom i obavljanjem djelatnosti ako ispunjava uvjete za osnivanje i ima:

a) propisani prostor i opremu,

b) propisani broj i strukturu uposlenih u radnom odnosu na neodređeno vrijeme,

c) osigurane higijensko-tehničke uvjete, u skladu sa Zakonom .

(3) Ustanova je dužna u poslovanju sa hranom koristiti uputstvo za dobru proizvođačku i higijensku praksu i primjenu standarda, u skladu sa Zakonom kojim se uređuje sigurnost hrane.

(4) Osnivač ustanove ne može biti fizičko lice koje je pravosnažnom presudom osuđeno za krivično djelo za koje je izrečena bezuvjetna kazna zatvora u trajanju od najmanje tri mjeseca ili koje je osuđeno za: krivično djelo nasilje u porodici, oduzimanje maloljetnog lica, zapuštanje i zlostavljanje maloljetnog lica ili rodoskrvuće, za krivično djelo primanje mita ili davanje mita, za krivično

djelo iz grupe krivičnih djela protiv spolne slobode, protiv čovječnosti drugih dobara zaštićenih međunarodnim pravom, bez obzira na izrečenu krivičnu sankciju, ni lice za koje u skladu sa Zakonom utvrđeno diskriminatorno ponašanje.

(5) Ustanova se upisuje u sudski registar kad nadležni organ utvrdi da su ispunjeni uvjeti za osnivanje, početak rada i obavljanje djelatnosti.

(6) Upisom u sudski registar ustanova stiče svojstvo pravnog lica.

(7) Bliže uvjete za osnivanje, početak rada i obavljanje djelatnosti ustanova propisuje ministar.

(8) Standarde kvaliteta ishrane studenata propisuje ministar.

(9) Standarde za kategorizaciju objekata studentskog standarda, kategorije objekata i način stjecanja i promjene kategorije objekta propisuje ministar.

Član 18.

(Jedinica ustanove)

(1) Ustanova obavlja djelatnost u svom sjedištu.

(2) Ustanova može obavljati djelatnost i van sjedišta, odnosno u drugom objektu organiziranjem jedinice, ako ispunjava uvjete propisane ovim Zakonom, u skladu sa dozvolom za rad.

(3) Jedinica iz stava (2) ovoga člana nema svojstvo pravnog lica.

Član 19.

(Dozvola za rad)

(1) Ustanova može početi sa radom i obavljanjem djelatnosti kada se rješenjem utvrdi da ispunjava uvjete za osnivanje, početak rada i obavljanje djelatnosti (u daljnjem tekstu: dozvola za rad).

(2) O zahtjevu za dobivanje dozvole za rad ustanove odlučuje Ministarstvo, najkasnije u roku od tri mjeseca od podnošenja zahtjeva.

Član 20.**(Zabrana rada ustanove i oduzimanje
dozvole za rad)**

- (1) Ustanovi se oduzima dozvola za rad kada joj se zabrani rad, u skladu sa Zakonom.
- (2) Kada organ nadležan za vršenje inspeksijskog nadzora utvrdi da ustanova ne ispunjava propisane uvjete za rad ili ne obavlja djelatnost na propisani način, odrediće joj rok za ispunjenje uvjeta, odnosno otklanjanje nepravilnosti u obavljanju djelatnosti i o tome će obavijestiti osnivača.
- (3) Ako ustanova ne otkloni utvrđene nepravilnosti iz stava (2) ovog člana u određenom roku, Ministarstvo će rješenjem zabraniti rad ustanove i oduzet će dozvolu za rad.
- (4) Rješenje iz stava (3) konačno je u upravnom postupku.
- (5) Ministarstvo će o zabrani rada ustanove i oduzimanju dozvole za rad obavijestiti osnivača.
- (6) Studenti koji su smješteni u ustanovu kojoj je zabranjen rad imaju pravo na smještaj i ishranu u tekućoj školskoj godini u drugoj ustanovi koju odredi Ministarstvo.
- (7) Nakon što rješenje postane pravosnažno ustanova se briše iz registra nadležnog suda i registra koje vodi Ministarstvo.

Član 21.**(Odgovornost ustanove za sigurnost
studenata i uposlenih)**

- (1) Ustanova je dužna propisati mjere, način i postupak zaštite i sigurnosti studenata u ustanovi, u saradnji sa nadležnim organom jedinica lokalne samouprave i drugim nadležnim organima i službama.
- (2) Dom odnosno centar osigurava stalnu dostupnost uposlenika.
- (3) Ustanova je dužna provoditi mjere iz stava (1) ovog člana i sa sadržajem mjera upoznati studente na način utvrđen općim aktom ustanove.

- (4) Ustanova je dužna osigurati sigurnost i zaštitu na radu uposlenih u skladu sa Zakonom kojim se uređuje sigurnost i zdravlje na radu.

Član 22.**(Pravila ponašanja u ustanovi)**

- (1) U ustanovi se njeguju odnosi međusobnog razumijevanja i uvažavanja ličnosti studenata i uposlenih.
- (2) Uposleni imaju obavezu da svojim radom i ukupnim ponašanjem doprinose razvijanju pozitivne atmosfere u ustanovi.
- (3) Pravila ponašanja u ustanovi propisuje upravni odbor ustanove, polazeći od principa: tolerancije, međusobne saradnje i uvažavanja, nenasilnog rješavanja sukoba, poštovanja privatnosti i njegovanja različitosti.

Član 23.**(Zabrana diskriminacije, nasilja i
zlostavljanja u ustanovi)**

- (1) U ustanovi su zabranjene aktivnosti kojima se na otvoren ili prikriven način ugrožavaju, omalovažavaju ili diskriminiraju grupe i pojedinci po bilo kom osnovu, a naročito po osnovu rase, spola, nacionalne pripadnosti, društvenog porijekla, rođenja, vjeroispovijesti, političkog ili drugog uvjerenja, imovnog stanja, kulture, jezika, uzrasta, seksualne orijentacije, psihičkog ili fizičkog invaliditeta, konstitucije ili se potiče na takvo ponašanje.
- (2) Ne smatraju se diskriminacijom posebne mjere uvedene radi postizanja pune ravnopravnosti, zaštite i napretka lica, odnosno grupe lica koja se nalaze u nejednakom položaju.
- (3) U ustanovi je zabranjeno vrijeđanje, nasilno ponašanje i zlostavljanje.

Član 24.**(Zabrana oružja, eksplozivnih i drugih
materijala, opojnih droga i alkohola u
ustanovi)**

U ustanovi nije dozvoljeno držanje, nošenje i upotreba oružja, odnosno

eksplozivnih materijala, zapaljivih tečnosti i plinova, kao i prodaja, ponuda, kupovina radi prodaje, držanje, prenošenje ili posredovanje u prodaji ili kupovini ili na drugi način neovlašteno stavljanje u promet, podstrekavanje i pomaganje u upotrebi supstanci ili preparata koji su proglašeni za opojne droge, odnosno psihoaktivnih supstanci i supstanci koje se mogu upotrijebiti u nezakonitoj proizvodnji opojnih droga, kao i upotreba alkohola.

Član 25.

(Zabrana stranačkog i vjerskog organiziranja i djelovanja u ustanovi)

U ustanovi je zabranjeno stranačko ili vjersko organiziranje i djelovanje i korištenje prostora u te svrhe.

Član 26.

(Statut ustanove)

- (1) Ustanova ima statut.
- (2) Statut je osnovni opći akt ustanove, kojim se bliže uređuju organizacija, način rada, upravljanje i rukovođenje u ustanovi i druga pitanja, u skladu sa Zakonom.

Član 27.

(Razvojni plan ustanove)

- (1) Ustanova ima razvojni plan.
- (2) Razvojni plan ustanove sadrži: srednjoročni cilj razvoja ustanove, prioritete u obavljanju djelatnosti, plan aktivnosti i nosioce aktivnosti i druga pitanja od značaja za razvoj ustanove.
- (3) Razvojni plan donosi upravni odbor, na prijedlog direktora ustanove, za period od četiri godine.
- (4) Ustanova je dužna razvojni plan ustanove dostaviti Ministarstvu na saglasnost.

Član 28.

(Godišnji plan rada)

- (1) Ustanova donosi godišnji plan rada, kojim se utvrđuje: vrijeme, mjesto, način organizacije rada i nosioci ostvarivanja

programa rada, za odgovarajuću akademsku godinu.

- (2) Godišnji plan rada donosi upravni odbor ustanove na osnovu razvojnog plana.

- (3) Godišnji plan rada ustanova donosi do 30. septembra.

Član 29.

(Prekid rada u ustanovi)

- (1) Ustanova može prekinuti rad u slučaju više sile i drugim slučajevima kojima su ugroženi sigurnost i zdravlje studenata i uposlenih.
- (2) Odluku o prekidu rada donosi upravni odbor ustanove i o tome obavještava osnivača odnosno Ministarstvo.

Član 30.

(Saradnja i povezivanje ustanova)

Radi unapređivanja obavljanja djelatnosti studentskog standarda, ustanove sarađuju i mogu se udruživati, u skladu sa Zakonom.

Član 31.

(Registar ustanova i drugih organizacija)

- (1) Ministarstvo vodi evidenciju (u daljem tekstu: registar)
 - a) ustanova
 - b) drugih organizacija koje obavljaju pojedine poslove iz djelatnosti studentskog standarda.
- (2) Podaci koji se u registru vode o ustanovi obuhvataju i druge djelatnosti koje ustanova obavlja.
- (3) Sadržaj i način vođenja registra propisuje ministar.

Član 32.

(Evidencija koju vode ustanove)

- (1) Ustanove vode evidenciju i izdaju isprave studentima, u skladu sa Zakonom.

(2) Studentski centar vodi: knjigu matične evidencije o studentima i registarski karton studenta.

(3) Studentski centar, na osnovu knjige matične evidencije o studentima, studentu izdaje studentsku legitimaciju, odnosno elektronsku karticu.

(4) Ustanove iz stava (1) ovog člana trajno čuvaju knjige matične evidencije o studentima, a ostalu evidenciju 10 godina.

(5) Ustanove iz stava (1) ovog člana dužne su evidenciju voditi u pismenoj i elektronskoj formi i podatke upisane u evidenciju dostavljati Ministarstvu.

(6) Sadržaj i način vođenja evidencije i izgled i sadržaj studentske legitimacije, odnosno elektronske kartice, kao i način i rokove dostavljanja podataka iz evidencije Ministarstvu, propisuje ministar.

Član 33.

(Podaci o evidencijama)

Evidencije koje vodi ustanova sadrže podatke o ustanovi, studentima i uposlenima.

Član 34.

(Podaci o ustanovi)

Podaci o ustanovi su podaci u vezi sa pravnim statusom ustanove, odnosno statusom ustanove u sistemu studentskog standarda, podaci o obavljanju osnovne djelatnosti (smještaju, ishrani, kulturne, umjetničke, sportske i rekreativne aktivnosti i informiranje), obavljanju druge djelatnosti, razvojnom i godišnjem planu rada i drugim aktima ustanove, organima ustanove, objektu i radnim jedinicama ustanove, dozvoli za rad i kategorizaciji ustanove.

Član 35.

(Evidencija o studentu)

(1) Evidenciju o studentu čine podaci kojima se određuje njegov identitet (u daljnjem

tekstu: lični podaci), obrazovni, socijalni i zdravstveni status.

(2) Lični podaci o studentu su: ime i prezime studenta, jedinstveni matični broj građana, spol, datum rođenja, mjesto, općina i država rođenja, adresa, mjesto, općina i država stanovanja, kontakt telefon i državljanstvo.

(3) Lični podaci o roditelju ili staratelju su: ime i prezime roditelja ili staratelja, jedinstveni matični broj građana, spol, datum rođenja, mjesto, općina i država rođenja, adresa, mjesto, općina i država stanovanja, kontakt telefon, odnosno elektronska adresa.

(4) Podacima kojima se određuje obrazovni status studenta su podaci o: upisanoj visokoškolskoj ustanovi, trajanju obrazovanja, odnosno studijskom programu, upisanoj godini studija, godini upisa, statusu, postignutom uspjehu i izrečenim disciplinskim mjerama.

(5) Podaci kojima se određuje socijalni status studenta su: podaci o stanju porodice (broj članova porodičnog domaćinstva, da li su roditelji živi, njihov obrazovni nivo, zaposlenje, prihodi, primanja socijalne pomoći) i podaci o pripadnosti osjetljivoj društvenoj grupi, podaci o korištenju prava na smještaj, ishranu, podaci o izdanoj studentskoj legitimaciji, odnosno elektronskoj kartici, podaci o korištenju studentskog kredita i stipendije i stipendije za izuzetno nadarene studente.

(6) Podaci kojima se određuje društveni status su: podaci o zdravstvenom statusu studenta koje unosi izabrani ljekar nadležne zdravstvene ustanove, na osnovu kojih se vrši procjena potreba za pružanjem dodatne zdravstvene ili socijalne podrške.

Član 36.**(Evidencija o uposlenima)**

Evidenciju o uposlenim čine slijedeći podaci: ime i prezime uposlenika, jedinstveni matični broj građana, spol, datum rođenja, mjesto, općina i država rođenja, adresa, mjesto, općina i država stanovanja, kontakt telefon, nivo i vrsta obrazovanja, podaci o stručnom usavršavanju, podaci o državljanstvu, psiho – fizičkoj i zdravstvenoj sposobnosti za rad sa studentima i provjeri tih sposobnosti, podatak o neosuđivanosti, podaci o vrsti radnog odnosa, odnosno angažiranja i stažu osiguranja, podaci o stručnom ispitu i licenci, podaci o zaduženjima, plati i učešću u radu organa ustanove.

Član 37.**(Način prikupljanja podataka za evidencije o studentima)**

(1) Podaci u evidencijama prikupljaju se na osnovu dokumentacije koju, na zahtjev studenta izdaju nadležni organi, a u svrhu ostvarivanja prava iz oblasti studentskog standarda.

(2) Naročito osjetljivi podaci obrađuju se uz pristanak lica koji se daje u pismenom obliku, u skladu sa Zakonom kojim se uređuje zaštita ličnih podataka.

Član 38.**(Vođenje evidencije)**

(1) Prikupljeni podaci čine osnov za vođenje evidencija u ustanovi, odnosno Ministarstvu.

(2) U pogledu vođenja evidencija primjenjuje se Zakon kojim se uređuje zaštita ličnih podataka.

Član 39.**(Obrada podataka)**

(1) Podatke o ustanovi, odnosno drugoj organizaciji koja obavlja pojedine poslove i djelatnosti iz studentskog standarda za potrebe vođenja registra ustanova i drugih organizacija prikuplja Ministarstvo.

(2) Podatke o studentima - za evidenciju za ostvarivanje prava na smještaj, ishranu prikuplja ustanova i dostavlja Ministarstvu podatke o broju korisnika.

(3) Podatke o studentima - za evidenciju o odobrenim stipendijama i stipendijama za izuzetno nadarene studente prikuplja Ministarstvo.

(4) Podatke o uposlenim prikuplja ustanova i dostavlja Ministarstvu.

(5) U postupku ostvarivanja prava iz oblasti studentskog standarda zabranjeno je objavljivati javno na rang listi lične podatke o studentima: jedinstven matični broj građana – studenta, adrese njihovog stanovanja, brojeve telefona, kao i naročito osjetljive podatke o studentima.

Član 40.**(Imovina ustanova)**

O upravljanju i raspolaganju imovinom koju koriste ustanove čiji je osnivač Unsko-sanski kanton ili jedinica lokalne samouprave stara se predstavnik osnivača, odnosno nadležno Ministarstvo.

IV. ORGANI USTANOVE**Član 41.****(Organi ustanove)**

(1) Organi ustanove su: direktor i upravni odbor.

(2) U ustanovi čiji je osnivač drugo pravno ili fizičko lice uvjeti za imenovanje upravnog

odbora, njegov mandat i sastav, kao i uvjeti za direktora, njegov mandat i razlozi za prestanak dužnosti, uređuju se osnivačkim aktom i statutom ustanove.

Član 42.

(Upravni odbor)

(1) Predsjednika i članove upravnog odbora ustanove imenuje i razrješava osnivač.

(2) Upravni odbor ustanove čiji je osnivač Unsko-sanski kanton imenuje i razrješava Vlada.

(3) Upravni odbor se imenuje na period od četiri godine.

(4) Postupak imenovanja predsjednika i članova upravnog odbora pokreće se najkasnije tri mjeseca prije isteka mandata predsjednika i članova upravnog odbora.

(5) U upravni odbor ustanove ne može biti imenovano lice:

a) koje je na funkciji u državnom organu ili organu jedinica lokalne samouprave, odnosno čiji su poslovi nespojivi sa obavljanjem poslova u upravnom odboru ustanove,

b) koje je već imenovano u organ uprave druge ustanove iz studentskog standarda,

c) koje je osuđivano pravosnažnom presudom za krivično djelo za koje je izrečena bezuvjetna kazna zatvora u trajanju od najmanje šest mjeseci,

d) kome je izrečena mjera zaštite od nasilja u porodici,

e) u drugim slučajevima u skladu sa Zakonom.

(6) Predsjednik i članovi upravnog odbora ustanove imaju pravo na naknadu.

Član 43.

(Upravni odbor ustanova studentskog standarda)

(1) Upravni odbor studentskog centra ima pet članova uključujući i predsjednika, od kojih su dva predstavnici osnivača, jedan predstavnik univerziteta iz sjedišta ustanove, jedan predstavnik studenata i jedan predstavnik uposlenih u ustanovi.

(2) Predstavnike univerziteta predlaže univerzitet čiji je osnivač Unsko-sanski kanton u skladu sa općim aktom univerziteta.

(3) Predstavnike studenata predlaže Unija studenata Unsko-sanskog kantona.

(4) Predstavnike uposlenih predlažu uposleni većinom glasova ukupnog broja uposlenih.

Član 44.

(Nadležnost upravnog odbora)

(1) Upravni odbor ustanove:

a) donosi statut i druge opće akte ustanove,

b) donosi razvojni plan i godišnji plan rada i usvaja izvještaj o njihovom ostvarivanju,

c) donosi finansijski plan ustanove,

d) usvaja godišnji plan javnih nabavki ustanove,

e) usvaja izvještaj o poslovanju i završni račun,

f) podnosi osnivaču izvještaj o poslovanju,

g) raspisuje konkurs, obrazuje konkursnu komisiju i daje prijedlog za imenovanje direktora ustanove,

h) odlučuje o pravima, obavezama i odgovornostima direktora,

i) razmatra rezultate rada i poduzima mjere za poboljšanje uvjeta i rezultata rada ustanove,

j) obrazuje drugostepenu disciplinsku komisiju,

k) obavlja i druge poslove u skladu sa Zakonom, aktom o osnivanju i statutom.

(2) Radom upravnog odbora rukovodi predsjednik.

(3) Upravni odbor donosi odluke većinom glasova ukupnog broja članova.

(4) Sjednici upravnog odbora prisustvuje i učestvuje u radu predstavnik reprezentativnog sindikata u ustanovi, bez prava odlučivanja.

(5) Rad upravnog odbora uređuje se poslovníkom.

Član 45.

(Razrješenje predsjednika i članova upravnog odbora)

(1) Osnivač ustanove razriješi ć, prije isteka mandata, pojedine članove, uključujući i predsjednika ili upravni odbor u cjelini:

a) na lićni zahtjev,

b) ako ćlan upravnog odbora neopravdano odsustvuje sa sjednica ili nesavjesnim radom onemogućava rad upravnog odbora,

c) ako u postupku preispitivanja akta o imenovanju utvrdi nepravilnosti,

d) ako ovlašćeni predlagać pokrene inicijativu za razrješenje ćlana upravnog odbora zbog prestanka osnova po kojem je imenovan u upravni odbor,

e) ako upravni odbor donosi nezakonite odluke ili ne donosi odluke koje je na osnovu zakona i statuta dužan donositi,

f) u drugim slučajevima u skladu sa Zakonom.

(2) Novoimenovanom ćlanu upravnog odbora mandat traje do isteka mandata upravnom odboru u cjelini.

Član 46.

(Direktor ustanove)

(1) Direktor rukovodi ustanovom.

(2) Za direktora ustanove može biti imenovano lice koje je steklo visoko obrazovanje na studijama drugog stepena (master akademske studije, specijalistićke akademske studije ili specijalistićke strukovne studije) ili lice koje je steklo visoko obrazovanje na osnovnim studijama na fakultetu u trajanju od najmanje ćetiri godine.

(3) Za direktora studentskog centra može biti imenovano lice koje osim uvjeta iz stava (2) ovog ćlana ima i najmanje deset godina rada u visokom obrazovanju.

(4) Mandat direktora traje ćetiri godine.

(5) Za direktora ne može biti imenovano lice:

a) koje je pravosnažnom presudom osuđeno za krivićno djelo za koje je izrećena bezuvjetna kazna zatvora u trajanju od najmanje tri mjeseca ili koje je osuđeno za: krivićno djelo nasilje u porodici, oduzimanje maloljetnog lica, zapušćanje i zlostavljanje maloljetnog lica ili rodoskvruća, za krivićno djelo primanja mita ili davanja mita, za krivićno djelo iz grupe krivićnih djela protiv spolne slobode i protiv ćovjećnosti i drugih dobara zaštićenih mećunarodnim pravom, bez obzira na izrećenu krivićnu sankciju, ni lice za koje je u skladu sa zakonom utvrćeno diskriminatorno ponašanje,

b) kome je izrećena mjera zaštite od nasilja u porodici.

(6) O pravima, obavezama i odgovornostima direktora odlućuje upravni odbor ustanove, u skladu sa ovim Zakonom i statutom ustanove.

Član 47.**(Imenovanje direktora)**

- (1) Direktora ustanove imenuje osnivač poslije provedenog javnog konkursa.
- (2) Direktor ustanove čiji je osnivač Unsko-sanski kanton u ime osnivača imenuje i razrješava nadležno Ministarstvo.
- (3) Javni konkurs za imenovanje direktora raspisuje upravni odbor ustanove najkasnije tri mjeseca prije isteka mandata direktora.
- (4) Upravni odbor ustanove obrazuje konkursnu komisiju (u daljem tekstu: komisija), koju čine: predsjednik i dva člana.
- (5) Predsjednik komisije bira se iz reda predstavnika osnivača u upravnom odboru, jedan član iz reda predstavnika uposlenih u upravnom odboru i jedan član iz reda predstavnika univerziteta u upravnom odboru.
- (6) Po provedenom javnom konkursu, komisija sačinjava listu kandidata koji ispunjavaju uvjete za imenovanje, daje mišljenje o svakom kandidatu i listu sa mišljenjem dostavlja upravnom odboru ustanove.
- (7) Ako komisija ne sačini listu kandidata ili ne dostavi mišljenje o kandidatima upravnom odboru u roku od 30 dana od dana zaključenja konkursa, upravni odbor obrazuje novu komisiju.
- (8) Upravni odbor ustanove, na osnovu dostavljene liste i mišljenja o svim kandidatima, daje prijedlog za imenovanje jednog kandidata i dostavlja Ministarstvu mišljenje o tom kandidatu.
- (9) Ako se odluka o imenovanju direktora ne donese u roku od tri mjeseca od dana zaključenja javnog konkursa, raspisuje se novi javni konkurs.

Član 48.**(Nadležnost i odgovornost direktora)**

- (1) Direktor je odgovoran za zakonitost rada i za uspješno obavljanje djelatnosti ustanove.
- (2) Direktor za svoj rad odgovara upravnom odboru i osnivaču.
- (3) Direktor:
 - a) zastupa i predstavlja ustanovu,
 - b) donosi akt o organizaciji i sistematizaciji poslova u ustanovi uz saglasnost Upravnog odbora,
 - c) odlučuje o korištenju sredstava u skladu sa Zakonom i odgovara za odobravanje i namjensko korištenje sredstava utvrđenih finansijskim planom ustanove,
 - d) stara se o ostvarivanju razvojnog plana ustanove,
 - e) stara se o obimu i kvalitetu ostvarivanja odgojnog programa,
 - f) stara se o ostvarivanju godišnjeg plana rada ustanove,
 - g) stara se o osiguranju kvaliteta i unapređenju rada ustanove,
 - h) stara se o blagovremenom obavješćavanju uposlenih, stručnih organa i upravnog odbora o svim pitanjima od interesa za rad ustanove i tih organa,
 - i) predlaže upravnom odboru odluke iz njegove nadležnosti i stara se o njihovom provođenju,
 - j) poduzima mjere radi izvršavanja naloga inspektora, Ministarstva, kao i drugih inspeksijskih organa,
 - k) podnosi izvještaj o svom radu upravnom odboru.

l) podnosi izvještaj o radu ustanove upravnom odboru i Ministarstvu

m) sarađuje sa ustanovama i organizacijama i organima jedinica lokalne samouprave

n) obavlja i druge poslove u skladu sa Zakonom i općim aktom ustanove.

(4) Kada je osnivač ustanove Unsko-sanski kanton, Ministarstvo daje saglasnost na akt iz stava (3) tačka b) ovog člana.

Član 49.

(Prestanak dužnosti direktora)

(1) Dužnost direktora ustanove prestaje: istekom mandata, na lični zahtjev, stjecanjem uvjeta za prestanak radnog odnosa i razrješenjem.

(2) Odluku o prestanku dužnosti direktora donosi osnivač, po pribavljenom mišljenju upravnog odbora ustanove.

(3) Osnivač može razriješiti direktora dužnosti prije isteka mandata:

a) ako je konačnim aktom nadležnog organa utvrđeno da je ustanova, odnosno direktor odgovoran za prekršaj iz ovog Zakona, privredni prijestup ili krivično djelo u vršenju dužnosti,

b) ako je nadležni organ utvrdio da direktor ne poduzima mjere za ostvarivanje planova i programa ustanove,

c) ako direktor ne postupi po nalogu, odnosno mjeri nadležnog organa za otklanjanje utvrđenih nedostataka i nepravilnosti,

d) ako nadležni organ utvrdi da direktor raspolaže sredstvima ustanove, poslovnim prostorom, opremom i imovinom ustanove na nezakonit način,

e) ako direktor predlaganjem nezakonitih odluka, nepotpunim i neblagovremenim informiranjem, ometanjem sazivanja sjednica

upravnog odbora ili sazivanjem sjednica suprotno poslovniku upravnog odbora ometa rad upravnog odbora i uposlenih,

f) ako direktor ne poduzima odgovarajuće mjere prema zaposlenom u ustanovi koji ne izvršava svoje radne obaveze, fizički kažnjava ili vrijeđa ličnost studenta,

g) ako se u ustanovi vodi evidencija i izdaju isprave suprotno zakonu,

h) ako ustanova ne osigura čuvanje propisane evidencije i dokumentacije,

i) ako ustanova zasnuje radni odnos sa uposlenim suprotno zakonu,

j) ako ustanova ne provodi mjere sigurnosti i zaštite studenata i uposlenih,

k) ako se u toku mandata utvrdi da direktor ne ispunjava uvjete iz ovog Zakona,

l) ako upravni odbor ne prihvati godišnji izvještaj direktora o radu ustanove,

m) ako direktor svojim postupcima onemogućava ostvarivanje prava uposlenih ili je doprinio da se poremete odnosi u ustanovi,

n) ako direktor svojim nesavjesnim radom ili prekoračenjem ovlaštenja ustanovi nanese štetu u većem obimu,

o) ako direktor ne ostvaruje rezultate rada, odnosno nema potrebna znanja i sposobnosti za obavljanje dužnosti direktora,

p) u drugim slučajevima utvrđenim zakonom.

Član 50.

(Prestanak dužnosti direktora)

Direktoru ustanove koji je razrješen dužnosti direktora, prestaje radni odnos danom dostavljanja rješenja o razrješenju.

Član 51.**(Vršilac dužnosti direktora)**

(1) Vršioca dužnosti direktora ustanove imenuje u ime osnivača ministar nadležnog Ministarstva, do imenovanja direktora, ako direktoru ustanove prestane dužnost, a nije raspisan konkurs ili nije okončan postupak po raspisanom konkursu ili u drugim slučajevima kada ustanova nema direktora.

(2) Vršiocu dužnosti direktora ustanove miruje radni odnos na radnom mjestu sa koga je imenovan, za vrijeme dok obavlja tu dužnost.

(3) Prava, obaveze i odgovornosti direktora ustanove odnose se i na vršioca dužnosti direktora.

V. UPOSLENI U USTANOVI**Član 52.****(Opći uvjeti za zasnivanje radnog odnosa)**

(1) U radni odnos može biti primljeno lice na osnovu konkursa i pod uvjetima propisanim zakonom i ako:

a) ima odgovarajuće obrazovanje u skladu sa Zakonom i općim aktom ustanove,

b) ima psihičku, fizičku i zdravstvenu sposobnost za rad sa studentima,

c) nije osuđivano pravosnažnom presudom za krivično djelo za koje je izrečena bezuvjetna kazna zatvora u trajanju od najmanje šest mjeseci i za koje nije, u skladu sa Zakonom utvrđeno diskriminatorno ponašanje.

Član 53.**(Radni odnos na određeno vrijeme)**

(1) Zapošljavanje u ustanovi se vrši u skladu sa Zakonom o radu na osnovu javnog konkursa

(2) Ustanova može primiti u radni odnos na određeno vrijeme bez konkursa lice :

a) radi zamjene odsutnog zaposlenog do 60 dana ,

b) do preuzimanja zaposlenog, odnosno do konačnosti odluke o izboru kandidata po konkursu,

c) do izbora kandidata, kada se na konkurs ne prijavi ni jedan kandidat ili ni jedan od prijavljenih kandidata ne ispunjava uvjete.

(3) Ustanova prima u radni odnos na određeno vrijeme po raspisanom konkursu lice:

a) radi zamjene odsutnog zaposlenog preko 60 dana,

b) u svojstvu pripravnika.

VI. DISCIPLINSKA ODGOVORNOST**Član 54.****(Odgovornost uposlenog)**

Uposleni može odgovarati za:

a) lakšu povredu radne obaveze utvrđenu statutom ustanove,

b) težu povredu radne obaveze propisanu ovim Zakonom,

c) povredu zabrane propisanu ovim zakonom,

d) materijalnu štetu koju nanese ustanovi, namjerno ili krajnjom nepažnjom, u skladu sa Zakonom.

Član 55.**(Udaljavanje sa rada)**

(1) Uposleni se privremeno udaljava sa rada zbog učinjene teže povrede radne obaveze.

(2) Ako direktor ne udalji uposlenog, organ upravljanja dužan je da donese odluku o udaljenju.

Član 56.**(Teže povrede radne obaveze)**

Teže povrede radne obaveze uposlenog u ustanovi su:

- a) izvršenje krivičnog djela na radu ili u vezi sa radom,
- b) neprovođenje mjera sigurnosti studenata i uposlenih,
- c) podstrekavanje na upotrebu alkoholnih pića ili omogućavanje, davanje ili neprijavljivanje nabavke i upotrebe istih,
- d) podstrekavanje na upotrebu narkotičkog sredstva ili psihoaktivne supstance ili njeno omogućavanje, davanje ili neprijavljivanje nabavke i upotrebe,
- e) nošenje oružja u ustanovi ili krugu ustanove,
- f) neovlaštena primjena podakata u evidenciji, odnosno javnoj ispravi, brisanjem, dodavanjem, precrtavanjem ili izostavljanjem podataka,
- g) uništenje oštećenje, skrivanje ili iznošenje evidencije, odnosno obrasca javne isprave ili javne isprave,
- h) nepotpuno ili neoblagovremeno i nesavjesno vođenje evidencije,
- i) dolazak na rad u pripitom ili pijanom stanju, upotreba alkohola ili drugih opojnih sredstava koji smanjuju radnu sposobnost,
- j) odbijanje prijema ili davanja na uvid evidencije licu koje vrši nadzor nad radom ustanove,
- k) nezakonit rad ili propuštanje radnji čime se sprječava ili onemogućava ostvarivanje prava studenata i drugog zaposlenog,
- l) neizvršavanje ili nesavjesno, neblagovremeno ili nemarno izvršavanje poslova ili naloga direktora u toku rada,

odnosno za vrijeme nezakonite obustave rada ili štrajka,

- m) zloupotreba prava iz radnog odnosa,
- n) nezakonito raspolaganje sredstvima, prostorom, opremom i imovinom ustanove,
- o) neopravdano odsustvo sa rada najmanje dva uzastopna radna dana,
- p) druge povrede radne obaveze u skladu sa posebnim Zakonom.

Član 57.**(Disciplinski postupak)**

- (1) Direktor pokreće i vodi disciplinski postupak, donosi odluku i izriče mjeru u disciplinskom postupku protiv uposlenog,
- (2) Disciplinski postupak pokreće se pismenim zaključkom na koji nije dopušten prigovor, a koji sadrži podatke o uposlenom, opis povrede zabrane, odnosno radne obaveze, vrijeme, mjesto i način izvršenja i dokaze koji ukazuju na izvršenje povrede.
- (3) Uposleni mora biti saslušan, sa pravom da izloži svoju odbranu, sam ili preko zastupnika, a može za raspravu dostaviti i pismenu odbranu.
- (4) Izuzetno, rasprava se može održati i bez prisustva uposlenog, pod uvjetom da je uposleni na raspravu uredno pozvan.
- (5) Na ostala pitanja vođenja disciplinskog postupka shodno se primjenjuju pravila upravnog postupka.
- (6) Disciplinski postupak je javan, osim u slučajevima propisanim zakonom kojim se uređuje opći upravni postupak.
- (7) Po provedenom postupku donosi se rješenje kojim se uposleni može: oglasiti krivim, u kom slučaju mu se izriče i disciplinska mjera, osloboditi od odgovornosti ili se postupak može obustaviti.

(8) Ako povreda radne obaveze sadrži obilježja krivičnog djela, pokretanje disciplinskog postupka zastarjeva protekom šest mjeseci od dana saznanja za povredu radne obaveze i učinioca, odnosno protokom roka u kome zastarjeva krivično gonjenje za to krivično djelo, ukoliko je taj rok duži od šest mjeseci.

(9) Zastarjelost ne teče, ako se disciplinski postupak ne može pokrenuti ili voditi zbog odsustva zaposlenog ili drugih opravdanih razloga.

Član 58.

(Disciplinske mjere)

Mjere za povredu radne obaveze su prestanak radnog odnosa i novčana kazna.

Član 59.

(Prestanak radnog odnosa)

Radni odnos prestaje:

- a) smrću radnika,
- b) sporazumom poslodavca i radnika,
- c) kad radnik navrší 65 godina života i dvadeset godina staža osiguranja, ako se poslodavac i radnik drugačije ne dogovore,
- d) kada se na osnovu evidencije utvrdi da radni odnos radnika traje četrdeset godina , ako se poslodavac i radnik drugačije ne dogovore,
- e) danom dostavljanja pravosnažnog rješenja o priznavanju prava na invalidsku penziju zbog gubika radne sposobnosti,
- f) otkazom ugovora o radu,
- g) istekom vremena na koje je zaključen ugovor o radu na određeno vrijeme,
- h) ako radnik bude osuđen na izdržavanje kazne zatvora u trajanju dužem od tri mjeseca-danom stupanja na izdržavanje kazne

i) ako radniku bude izrečena mjera bezbjednosti, vaspitna ili zaštitna mjera u trajanju dužem od tri mjeseca- početkom primjene te mjere,

j) pravosnažnom odlukom nadležnog suda koja ima za posljedicu prestanak radnog odnosa.

VII. FINANSIRANJE PRAVA STUDENATA I USTANOVA

Član 60.

(Sredstva za ostvarivanje prava u oblasti studentskog standarda)

Sredstva za ostvarivanje prava u oblasti studentskog standarda osigurat će se u iznosu koji godišnje odredi Vlada Unsko-sanskog kantona, a u skladu sa mogućnostima i utvrđenim budžetom kantona i od učešća u troškovima od strane korisnika usluga , te od donacija.

Član 61.

(Sredstva za ostvarivanje prava na smještaj i ishranu)

- (1) Student učestvuje u finansiranju dijela troškova smještaja i ishrane.
- (2) Visinu troškova smještaja i ishrane, kao i visinu učešća u troškovima smještaja i ishrane studenta i studenta stranog državljanina po osnovu međunarodne razmjene, propisuje Ministar obrazovanja, nauke, kulture i sporta posebnim pravilnikom.
- (3) Sredstva za smještaj i ishranu studenta sa Unsko-sanskog kantona u studentskim domovima izvan kantona dodjeljuju se studentima u skladu sa pravilnikom koji donosi ministar.

Član 62.**(Izvori finansiranja)**

(1) Ustanova stiče sredstva za obavljanje djelatnosti u skladu sa zakonom i statutom iz sljedećih izvora:

- a) iz sredstava koja osigurava osnivač
- b) učešćem studenata u troškovima smještaja i ishrane
- c) iz donacija, poklona i zavještanja
- d) obavljanjem druge djelatnosti i pružanjem usluga u skladu sa ovim Zakonom
- e) iz drugih izvora u skladu sa zakonom

(2) Finansiranje djelatnosti osigurava se kroz cijenu usluge.

(3) Ministar nadležnog Ministarstva utvrđuje bliže uvjete i način utvrđivanja cijene usluga iz stava (2) ovog člana.

(4) Ustanovama kojima se osigurava smještaj, ishrana, i naknada materijalnih troškova, osigurava se kroz cijenu usluge.

(5) Ustanovama u kojima se osiguravaju prava studenata na kulturne i umjetničke aktivnosti i informiranje, naknade materijalnih troškova osiguravaju se na osnovu kriterija koje propisuje ministar nadležnog Ministarstva.

VIII. STUDENTSKA UDRUŽENJA I DRUGE STUDENTSKJE ORGANIZACIJE**Član 63.****(Pravo studenata na predstavljanje i udruživanje)**

(1) Studenti imaju pravo na predstavljanje u tijelima visokoškolskih ustanova, pravo na udruživanje i djelovanje studentskih organizacija na visokoškolskim ustanovama i pravo na studentske izbore. Ministar obrazovanja, nauke, kulture i sporta će

posebnim Pravilnikom propisati način organiziranja studenata.

(2) Studenti se mogu organizirati kao studentska unija - organizacija koja štiti interese studenata, sudjeluje u odlučivanju u tijelima visokoškolskih ustanova i predstavlja studente u sistemu visokog obrazovanja u Unsko-sanskom kantonu.

Član 64.**(Načela studentskih organizacija)**

(1) Svi studenti su članovi studentske organizacije.

(2) Na visokoškolskim ustanovama slobodno djeluju studentske organizacije i studentska udruženja kojima je djelatnost unapređenje studija i zadovoljavanje studentskih potreba (stručna i naučna aktivnost, kultura, sport, standard i dr.).

(3) Zabranjena je svaka diskriminacija studenata po bilo kojoj osnovi u odnosu na pravo na članstvo i rad u studentskim organizacijama, u pravu na sudjelovanje u izborima i pravu na djelovanjima u studentskim udruženjima, kao i u odnosu na druga prava predviđena ovim Zakonom.

(4) Sudjelovanje studenata poslijediplomskih studija u studentskim organizacijama i studentskim udruženjima visokoškolskih ustanova uređuje se statutom studentske organizacije i udruženja u skladu sa ovim Zakonom.

Član 65.**(Obaveze visokoškolskih ustanova)**

(1) Javna ustanova Univerzitet u Bihaću je dužna Uniji studenata Univerziteta u Bihaću osigurati prostor za rad i sufinansirati njihovu djelatnost u iznosu od 0,3% do 1% od utvrđenog Budžeta Javne ustanove Univerzitet u Bihaću.

(2) Visokoškolska ustanova je dužna omogućiti studentskim organizacijama i udruženjima autonomno raspolaganje sredstvima koja su im dodijeljena za njihov rad u skladu sa pozitivni zakonskim propisima.

(3) Način vođenja evidencije iz ovog člana propisuje se općim aktom visokoškolske ustanove.

Član 66.

(Podnošenje izvještaja studentske organizacije)

(1) Unija studenata Univerziteta u Bihaću podnosi izvještaj putem JU Univerziteta u Bihaću nadležnom Ministarstvu po realizaciji programa i načinu korištenja sredstava dodijeljenih iz budžeta Unsko-sanskog kantona.

(2) Studentska organizacija visokoškolske ustanove podnosi izvještaj Upravnom odboru visokoškolske ustanove o realizaciji programa i načinu korištenja sredstava koja su im dodijeljena za njihov rad.

Član 67.

(Zadatak studentske organizacije)

Studentska organizacija na visokoškolskoj ustanovi i visokoj školi:

a) bira studentske predstavnike u nastavno-naučno vijeće članice, u senat i druga tijela visokoškolske ustanove, te u vijeće i druga tijela visoke škole,

b) bira studentske predstavnike u odgovarajuće organizacije, ustanove i druge institucije kojima je osnivač visokoškolska ustanova,

c) donosi plan i program rada članice i plan i program rada visokoškolske ustanove odnosno visoke škole,

d) brine se o kvaliteti života studenata, a posebno o kvalitetu studentskog procesa, studentskog standarda, ostvarivanju studentskih prava i drugim pitanjima važnim za studente članice i visokoškolske ustanove odnosno visoke škole,

e) predlaže nadležnim tijelima visokoškolskih ustanova plan finansiranja studentskih aktivnosti,

f) potiče vannastavne aktivnosti studenata,

g) donosi opće akte studentske organizacije, ako ovim zakonom nije drugačije određeno,

h) obavlja druge poslove od interesa, za studente visokoškolske ustanove.

Član 68.

(Tijela studentske organizacije)

(1) Studentska organizacija ima predsjednika koji predstavlja i zastupa studentsku organizaciju, koordinira njegov rad i obavlja druge poslove predviđene općim aktima visokoškolske ustanove i studentske organizacije.

(2) Predsjednika studentske organizacije zamjenjuje njegov zamjenik.

(3) Mandat predsjednika i zamjenika traje dvije akademske godine i može se jednom ponoviti.

(4) Studentska organizacija može imati predsjedništvo i druga tijela predviđena statutom studentske organizacije.

(5) Mandat studentske organizacije traje dvije godine i može se jednom ponoviti.

(6) Mandat člana studentske organizacije prestaje:

a) prestankom statusa studenta,

b) danom podnošenja ostavke,

c) ako u posljednje dvije godine studija nije sakupio minimalno 60 ECTS bodova,

d) ako drugi put ponavlja godinu,

e) ako član zbog objektivnih okolnosti nije u stanju obavljati dužnosti

f) u ostalim slučajevima predviđenim statutima studentske organizacije.

(7) U slučaju prestanka mandata člana studentske organizacije prije isteka vremena na koje je izabran provest će se izbori za novog člana studentske organizacije.

(8) Član studentske organizacije izabran u skladu sa procedurom iz stava (7) ovog člana ima mandat koji odgovara mandatu člana umjesto kojeg je izabran.

Član 69.

(Unija studenata Univerziteta u Bihaću)

(1) Unija studenata Univerziteta u Bihaću (u daljem tekstu: Unija) je koordinaciono tijelo koje usklađuje rad svih studentskih asocijacija organizacionih jedinica JU Univerzitet u Bihaću na zajedničkim programima, raspravlja o pitanjima zajedničkog interesa za studente, te rukovodi aktivnostima u međunarodnoj suradnji.

(2) Kao koordinaciono tijelo studentskih organizacija Unija:

a) usklađuje rad studentskih asocijacija organizacionih jedinica,

b) prati i promovira interese studenata,

c) prati provođenje propisa o studentima,

d) surađuje sa Ministarstvom nadležnim za visoko obrazovanje u pripremi propisa koji se odnose na studente,

e) brine o uvjetima u kojima djeluju studentske organizacije i udruženja na visokoškolskim ustanovama,

f) predlaže predstavnika studenata u tijelima međunarodnih studentskih organizacija i drugih organizacija u kojima sudjeluju predstavnici studenata, a kojih je članica Bosna i Hercegovina.

(3) Unija donosi opće akte unije i poslovnik o svome radu.

(4) Poslovnik o radu Unije stupa na snagu kada dobije saglasnost većine studentskih asocijacija organizacionih jedinica.

(5) Unija ima svog predsjednika, zamjenika predsjednika i druga tijela, u skladu sa općim aktima Unije studenata Unsko-sanskog kantona.

(6) Uniju čine po jedan predstavnik svake studentske asocijacije organizacione jedinice.

Član 70.

(Nadzor nad radom studentskih organizacija)

(1) Rad studentskih organizacija je javan.

(2) Nadzor nad obavljanjem djelatnosti studentskih organizacija obavlja nadležno Ministarstvo.

Član 71.

(Biračko pravo)

(1) U izborima za studentsku organizaciju visokoškolske ustanove imaju pravo sudjelovati svi studenti, u skladu sa Zakonom o visokom obrazovanju, općim aktom visokoškolske ustanove i općim aktom studentske organizacije.

(2) Za studentskog predstavnika ne može se kandidirati student koji u posljednje dvije godine studija nije sakupio minimalno 60 ECTS bodova ili koji drugi put ponavlja godinu tokom studija.

(3) Ako studentu koji je izabran za studentskog predstavnika prestane mandat

prije isteka vremena na koje je izabran, zamjenjuje ga njegov zamjenik ili kandidat za studentskog predstavnika koji je sljedeći na izbornoj listi s koje je student izabran.

Član 72.

(Izbori)

(1) Izbori za studentsku organizaciju visokoškolske ustanove (članovi i zamjenici) održavaju se u pravilu između 15. i 30. marta svake druge akademske godine.

(2) Studenti organizacione jedinice podnose kandidaturu Izornoj komisiji najkasnije 10 dana prije održavanja izbora, a objavljuju se najmanje 8 dana prije provođenja izbora.

(3) Izborna komisija ima 5 članova.

(4) Izborna komisija imenuje biračke odbore i utvrđuje popis birača.

(5) Članovi komisije za prigovore i članovi biračkih odbora, kandidati na izborima i članovi studentske organizacije s važećim mandatom ne mogu biti istodobno i članovi izborne komisije.

(6) Posebnim općim aktom studentske organizacije propisuje se izborni postupak, a posebno:

- a) način predlaganja i utvrđivanja kandidata,
- b) način provođenja izbora,
- c) vođenje biračkog popisa,
- d) uvjeti za pravovaljanost kandidatura,
- e) mjesto i vrijeme izbora,
- f) trajanje glasanja koje ne može biti kraće od 12 sati,
- g) tajnost glasanja,

h) način provjere identiteta kandidata, birača i drugih osoba koje sudjeluju u izbornom postupku,

i) sudjelovanje promatrača,

j) način postupanja za slučaj jednakog broja glasova pojedinih kandidata,

k) prigovor na tok i rezultate izbornog postupka,

l) sastav i djelokrug komisije za prigovore.

(7) Nakon završenih izbora javno se objavljuje lista izabranih kandidata.

(8) Izabrani kandidati među sobom biraju, tajnim glasanjem potreban postotak predstavnika studenata za Senat.

Član 73.

(Prigovor na tok i rezultate izbornog postupka)

(1) Prigovori na tok i rezultate izbornog postupka podnose se komisiji za prigovore na nivou visokoškolske ustanove i organizacione jedinice.

(2) Komisija za prigovore ima pet članova.

(3) Dva člana komisije iz stava (2) ovog člana i njihove zamjenike iz redova studenata predlaže studentska organizacija, a imenuje rektor/direktor visokoškolske ustanove.

(4) Članovi izborne komisije i biračkih odbora, kandidati na izborima i članovi studentske organizacije sa važećim mandatom ne mogu biti istodobno i članovi komisije za prigovore.

IX. NADZOR

Član 74.

(Nadzor)

(1) Nadzor u smislu ovog Zakona podrazumijeva:

a) upravni nadzor nad provođenjem ovog Zakona i propisa donesenih za njegovo provođenje,

b) inspekcijski nadzor.

Član 75.

(Upravni nadzor)

(1) Upravni nadzor vrši Ministarstvo.

(2) Za vršenje upravnog nadzora ministar može imenovati komisiju ili lice koje će vršiti upravni nadzor o čemu donosi rješenje.

(3) U vršenju upravnog nadzora utvrđuje se činjenično stanje o stvari koja je predmet upravnog nadzora.

(4) Na osnovu nalaza komisije ili ovlaštenog lica ministar utvrđuje stanje izvršenja provođenja Zakona i drugih propisa.

(5) Na osnovu upravnog nadzora ministar izriče mjere:

a) upozorava na uočene nepravilnosti i određuje mjere i rok za njihovo otklanjanje,

b) izdaje instrukcije, naredbe i uputstva,

c) nalaže poduzimanje ili uzdržavanje od poduzimanja poslova koje smatra potrebnim,

d) pokreće postupak za utvrđivanje odgovornosti,

e) neposredno izvršava određena ovlaštenja, ako ocijeni da se ne može drugačije izvršiti neki zakon ili drugi opći akt,

f) oglašava ništavnim i poništava pojedinačne akte.

Član 76.

(Inspekcijski nadzor)

(1) Poslove inspekcijskog nadzora vrši inspektor za visoko obrazovanje (u daljem tekstu: inspektor).

(2) Inspektor:

a) vrši kontrolu postupanja ustanove u pogledu pridržavanja zakona, drugih propisa i općih akata,

b) vrši kontrolu ispunjenosti uvjeta u pogledu prostora, opreme i potrebnih stručnih i drugih radnika za početak rada i obavljanje djelatnosti ustanove i za proširenu djelatnost ustanove,

c) pregleda poslovne prostorije, objekte, postrojenja, uređaje, predmete i robu,

d) naređuje mjerenja koja obavlja druga stručna organizacija kad ustanova sama ili preko druge stručne organizacije vrši mjerenja, a rezultati mjerenja pružaju osnova za to,

e) saslušava i uzima izjave od odgovornih i zainteresiranih lica,

f) poduzima mjere radi ostvarivanja prava i obaveza studenata, uposlenih i direktora,

g) vrši kontrolu postupaka prijema u ustanovu i izdavanja studentske legitimacije,

h) vrši kontrolu vođenja propisane evidencije u ustanovi,

i) vrši pregled općih i pojedinačnih akata ustanove, faktura i dokumentacije na osnovu kojih su fakture obračunate i ispostavljene nadležnom ministarstvu,

(3) Inspektor je ovlašten da:

a) naloži otklanjanje utvrđenih nepravilnosti i nedostataka i odredi rok za njihovo otklanjanje,

b) naloži rješenjem izvršenje propisane mjere koja je naložena, a nije izvršena,

c) zabrani rješenjem provođenje radnji u ustanovi koje su suprotne ovom Zakonu,

d) privremeno zabrani rješenjem rad ustanove koja obavlja djelatnost, a ne ispunjava zakonom propisane uvjete u pogledu prostora, opreme i potrebnih stručnih i drugih radnika,

e) podnese prijavu nadležnom organu za učinjeno krivično djelo, privredni prijestup, odnosno zahtjev za pokretanje prekršajnog postupka,

f) obavještava drugi organ ako postoje razlozi za preduzimanje mjera za koje je taj organ nadležan.

(4) Inspektor obavlja i druge poslove u skladu sa Zakonom.

(5) Protiv rješenja inspektora iz stava (3) tačka b), c) i d) ovog člana ustanova može izjaviti žalbu nadležnom ministru.

(6) Žalba ne odlaže izvršenje.

(7) Rješenje ministra donijeto po žalbi je konačno.

X. KAZNE NE ODREDBE

Član 77.

(Kaznene odredbe)

(1) Novčanom kaznom 500,00-5.000,00 KM kaznit će se ustanova za prekršaj ako:

a) omogući studentu korištenje prava iz oblasti studentskog standarda suprotno odredbama ovog Zakona,

b) izvrši promjenu naziva, sjedišta, statusnu ili drugu promjenu bez saglasnosti osnivača iz člana 17. ovog Zakona,

c) obavlja djelatnost bez saglasnosti osnivača suprotno članu 18., 19. i 20. ovog Zakona,

d) ne propiše ili ne provodi mjere, način i postupak zaštite i sigurnosti studenata i uposlenih u ustanovi iz člana 21. ovog Zakona,

e) ugrožava, omalovažava ili diskriminira studente i uposlene po bilo kom osnovu iz člana 23. ovog Zakona,

f) ne donese, odnosno nadležnom ministarstvu ne dostavi razvojni plan u skladu sa članom 27. ovog Zakona,

g) ne vodi propisanu evidenciju u skladu sa članom 32. ovog Zakona.

(2) Novčanom kaznom 1.000,00-5.000,00 KM kaznit će se za prekršaj iz stava (1) ovog člana direktor, kao odgovorno lice u ustanovi.

(3) Novčanom kaznom 5.000,00-10.000,00 KM kaznit će se za prekršaj direktor ustanove ako ne preduzme mjere radi izvršavanja naloga inspektora.

XI. PRIJELAZNE I ZAVRŠNE ODREDBE

Član 78.

(Važenje dosadašnjih propisa i usklađivanje)

(1) Studentski predstavnici u Senatu JU Univerzitet u Bihaću, odnosno Vijeću visokih škola nastavljaju svoj rad do izbora studentskih predstavnika prema ovom Zakonu, a najduže dvije godine od stupanja na snagu ovog Zakona.

(2) Sva studentska udruženja dužna su svoja opća akta i organizaciju uskladiti sa ovim Zakonom u roku od 6 mjeseci od stupanja na snagu ovog Zakona.

(3) Visokoškolske ustanove dužne su uskladiti svoje opće akte s ovim Zakonom, te donijeti podzakonske akte iz ovog Zakona u roku od 90 dana od dana stupanja na snagu ovog Zakona.

Član 79.

**(Obaveza Ministarstva obrazovanja,
nauke, kulture i sporta)**

Podzakonske akte iz ovog Zakona donijet će ministar u roku od 90 dana od dana stupanja na snagu ovog Zakona.

Član 80.

(Stupanje na snagu)

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

Broj: 01-02-1-663/18
5. marta 2018
B i h a ć

**Predsjedavajući Skupštine
Unsko-sanskog kantona
Nijaz Hušić, prof.**

211.

Na osnovu člana 11. m) Odjeljak A. Poglavlje V. Ustava Unsko-sanskog kantona – prečišćeni tekst (“Službeni glasnik Unsko-sanskog kantona” br. 1/04 i 11/04) i člana 41. Poslovnika Skupštine Unsko-sanskog kantona (“Službeni glasnik Unsko-sanskog kantona” broj: 9/17), Skupština Unsko-sanskog kantona, na 38. redovnoj sjednici održanoj dana 05.03.2018. godine, donijela je

**PROGRAM RADA
SKUPŠTINE UNSKO-SANSKOG
KANTONA ZA 2018. godinu**

I. OPĆE ODREDBE

Programom rada Skupštine Unsko-sanskog kantona za 2018.godinu (u daljem tekstu: Program rada) utvrđeni su ciljevi koje će Skupština Unsko-sanskog kantona ostvarivati u okviru svojih ustavnih i zakonskih ovlaštenja tokom 2018. godine.

Nadležnosti Skupštine Unsko-sanskog kantona utvrđene su u članu 11., Odjeljak A. Poglavlje V. Ustava Unsko-sanskog kantona.

Poslovníkom Skupštine Unsko-sanskog kantona utvrđeno je da Skupština donosi Program rada koji sadrži zadatke Skupštine proizišle iz Ustava, zakona, planskih dokumenata Kantona kao i druge poslove i zadatke u nadležnosti Skupštine.

Skupština Unsko – sanskog kantona će u 2018. godini održati tri svečane sjednice i to: 1. mart - Dan nezavisnosti BiH, 27. maj - Dan Unsko-sanskog kantona i 25. novembar - Dan državnosti BiH .

Također, Skupština će održati i pet tematskih sjednica i to iz: oblasti obrazovanja, oblasti privrede, boračko invalidske zaštite, oblasti socijalne zaštite i tematska sjednica o položaju i problemima mladih na području Unsko-sanskog kantona u periodu od mjeseca marta do septembra.

Programom rada su obuhvaćena najznačajnija pitanja koje će Skupština Unsko-sanskog kantona razmatrati i usvajati u toku 2018. godine, nosioci izrade materijala, rokovi i kratak sadržaj, odnosno razlog za donošenje propisa.

Skupština Unsko-sanskog kantona otvorena je za sve inicijative, koje se mogu realizirati u toku 2018. godine shodno odredbama Poslovnika o radu Skupštine Unsko-sanskog kantona, iz čega proizilazi da se Skupština neće ograničiti samo na Program rada već će razmatrati i druga pitanja iz svoje nadležnosti koja pokrenu ovlašteni predlagači, a sve u cilju općeg javnog interesa i dobrobiti Unsko – sanskog kantona.

U Programu rada, materijali su razvrstani u normativni i tematski dio, sa utvrđenim nosiocima izrade materijala i rokovima u kojima će se materijali razmatrati.

